

摘藻堂四庫全書薈要

史部

欽定四庫全書會要卷九千一百四十

史部

通典卷二十二

唐 京 兆 杜 佑 君 卿 纂

職官四

尚書上

尚書省

并總論尚書

昔堯試舜於大麓領錄天下事似其任也周之司會又

其職焉

鄭注周禮司會若今尚書

秦少府遺吏四人在殿中主發書

謂之尚書尚主也漢承秦置武帝遊宴後庭始用宦者
主中書以司馬遷為之中間罷其官以為中書之職成
帝建始四年罷中書宦者置尚書五人一人為僕射四
人分為四曹通掌圖書祕記章奏及封奏宣示內外而
已其任猶輕後漢則為優重出納王命敷奏萬機蓋政
令之所由宣選舉之所由定罪賞之所由正斯文昌天
府衆務淵藪內外所折衷遠近所稟仰李固云陛下之
有尚書猶天之有北斗斗為天喉舌尚書為陛下喉舌

斗斟酌元氣運平四時尚書出納王命賦政四海

賦布令

及左丞總領綱紀無所不統僕射及右丞分掌廩假錢

穀

隋志令總統之僕射副令又與尚書分領諸曹

漢初尚書雖有曹名不以為

號靈帝以侍中梁鵠為選部尚書於是始見曹名總謂

尚書臺亦謂中臺

諸葛恪定山越孫權使尚書僕射薛綜勞軍曰故遣中臺近官迎致犒賜

大事八座連名而有不合得建異議

自順帝永建元年初令三公尚書入

奏事其八座具

二漢皆屬少府

蔡質漢儀曰凡三公列卿將大夫五營校尉行

歷代尚書中

複道中遇尚書令僕射左右丞郎御史中丞侍御史皆引車先相迴避衛士侍不得送臺官臺官過乃得去至

晉宋以來尚書官上朝及下禁斷行人猶其制也

魏置中書省有監令遂掌機

衡之任而尚書之權漸減矣晉以後所掌略同八座丞

郎初拜並集都省交禮遷職又解交本漢制也至於晉

宋唯八座解交丞郎不復解交也

梁陸果遷尚書殿中曹郎拜曰八座丞郎

並到上省交禮而果至晚不及時刻坐免官

宋曰尚書寺居建禮門內亦曰

尚書省

令若關則左僕射為省主

亦謂之內臺每八座以下入寺門

生隨入者各有差不得雜以人士凡尚書官大罪則免

小罪遣出遣出者百日無代人聽還本職

宋顧琛為庫部郎以顧碩

寄尚書張茂度聞名而碩與同席坐琛坐此遣出又宋志曰今朝士詣三公尚書丞郎詣令僕射尚書丞郎並門外下車履度其令及二僕射出行分道之制與中丞門闕乃納履也

同令僕各給威儀十八人

說在御史大夫篇

自晉以後八座及

郎中多不奏事梁天監元年詔曰自禮闈陵替歷茲永久郎署備員無取職事糠粃文案貴尚虛閑空有趨墀之名了無握蘭之實曹郎可依昔奏事自是始奏事矣又詔尚書中有疑事先於朝堂參議然後啟聞舊尚書官不以為贈唯朱异卒特贈右僕射武帝寵之故也

周故

捨問劉杳尚書官著紫荷相傳云挈囊竟何所出杳曰張安世傳云囊簪筆事武帝數十年注云囊索也近臣
待顧問以自魏晉重中書之官居喉舌之任則尚書之職

稍以疎遠至梁陳舉國機要悉在中書獻納之任又歸門下而尚書但聽命受事而已後魏天興元年置八部大人於皇城四方四維面置一人以擬八座謂之八國

各有屬官分尚書三十六曹及諸外置令大夫主之

崔元

伯通署三十六曹如令僕統事

四年又復尚書三十六曹天賜元年復

罷尚書三十六曹別置武歸脩勤二職分主省務

武歸比郎

中脩勤
比今史

至神麴元年始置僕射左右丞及諸曹尚書十

餘人各居別寺

舊例尚書簿諸曹須即出借任城王澄為尚書時公車署以理寃事奏請宜案

澄執奏以為尚書政本特宜遠慎故凡奏所事閣道通之蓋以祕要之切防其宣露寧有古制所重今反輕之宜盡寫其事意以付公車詔從之北齊尚書省亦有錄令僕射總理六

尚書事謂之都省亦謂之北省後濟北王以太子監國

立大都督府與尚書省分理衆事仍開府置佐

顯祖特崇此官

以隨王守侍中攝大都督府長史

後周無尚書隋及大唐皆有其制略

同凡尚書省事無不總龍朔二年改尚書省為中臺咸

亭初復舊光宅元年改為文昌臺垂拱元年又改為都

臺通天初復舊長安三年又改為中臺神龍初復為尚

書省

亦謂之南省

都堂居中左右分司

舊尚書令有大廳當省之中今謂之都堂

都堂之東有吏部戶部禮部三行每行四司左司統之

都堂之西有兵部刑部工部三行每行四司右司統之

凡二十四司分曹共理而天下之事盡矣

故事叔父兄弟不許同省

為郎官格令不載亦無正勅貞觀二年十一月韋叔謹除刑部員外三年四月韋季武除主爵郎中其年七月韋叔諧除庫部郎中太宗謂曰知卿兄弟並在尚書省故授卿此官欲成一家之美無辭稍屈階資其後同省

者甚多近日非恩除拜即須相避當以准今同司曹
判及公檢之官不得用大功以上親若制勅授者即申
所司從早改擬遂
同別省亦罷也
左右僕射各一人
總統
左丞一人
掌

吏部戶部禮部
十二司事
右丞一人
掌轄兵部刑部
左右司郎中各

一人
各掌付左右丞
尚書六人
吏戶禮
兵刑工

六部各
侍郎九人
吏部戶部兵部各
二人餘各一人
郎中二十八人
吏部

戶部兵部刑部各二人餘各
一人并左右司則三十人
員外郎二十九人
吏戶兵
刑四部

及司勳各二人餘司各一
人并左右司共三十一人
都事六人
以下各
有差

錄尚書

漢武帝時左右曹諸吏分平尚書奏事知樞要者始領
尚書事張安世以車騎將軍霍光以大將軍王鳳以大
司馬師丹以左將軍並領尚書事

張安世領尚書事職
典樞機以謹慎周密

自著每言大政已決輒移病出聞有詔令乃驚使吏之
丞相府問焉自朝廷大臣莫知與議也又孔光字子夏
領尚書事凡典樞機十餘年守灋度修政事不希苟合
問溫室省中樹皆何木也光答以他語其謹密如此

後漢章帝以太傅趙熹太尉牟融並錄尚書事尚書有
錄名蓋自熹融始亦西京領尚書之任猶唐虞大麓之
職也和帝時太尉鄧彪為太傅錄尚書事位在三公上

漢制遂以為常每少帝立則置太傅錄尚書事猶古冢

宰總已之義薨輒罷之

鄧彪錄尚書事後以老病上還樞機職又李固張禹張防並錄

尚書事

自魏晉以後亦公卿權重者為之職無不總

蜀蔣琬字

公琰為錄尚書事時新喪諸葛亮遠近懷懼琬出類拔萃處羣寮之右既無戚容又無喜色神守舉止有如平日由是衆情漸服晉宗室會稽王道子及世子元顯並錄尚書事時道子為東錄元顯為西錄晉康帝時何充讓錄表曰咸康中分置三錄王導錄其一荀崧陸湛各錄二條事晉江右有四錄則四人參錄也江右張華江左庾亮並經闕上書七條凡重號將軍刺史皆得命曹授用唯不得

施陳及加節宋孝武孝建中不欲威權外假省錄大明

未復置此後或置或省齊世錄尚書及尚書令並總領

尚書臺二十曹為內臺主行遇諸王以下皆禁駐號為

錄公

齊明帝為宣成王錄尚書廢帝昭業思蒸魚大官以無錄公命不與

高帝崩遺詔以

褚彥回錄尚書事江左以來無單為錄者有司擬立優

策王儉議宜有策書乃從之

王儉議以為見居本官別拜錄推理應有策書而舊

事不載中朝以來三公王侯則優策並設官品第二策而不優優者褒美策者兼明委寄尚書職居天官政化之本故尚書令品雖第三拜必有策錄尚書品秩不見而總任彌重前代多與本官同拜故不別有策即事緣情不容均之凡僚宜有策書用申重寄既異王侯不假優文從之

北齊錄尚書一人位

在令上掌與令同俱不糾察自隋而無

尚書令

殷湯制官有冢宰

伊尹制官以三公攝冢宰

君薨則百官總已以聽

於冢宰周之冢宰為天官掌邦之理六卿之職總屬焉
於百官無所不主至秦置尚書令尚主也漢因之銅印
青綬武帝用宦者更為中書謁者令成帝去中書謁者

令官更以士人為尚書令

時弘恭石顯相繼為中書令專權邪僻前將軍蕭望之領

尚書事建言以為尚書百官之本國家樞機宜以道明公正處之武帝遊宴後庭故用宦者非古制也宜罷中

書官 後漢衆務悉歸尚書三公但受成事而已尚書令

主贊奏事總領紀綱無所不統與司隸校尉御史中丞
朝會皆專席而坐京師號曰三獨坐故公為令僕射者
朝會不陞奏事天子封禪則尚書令奉玉牒檢兼藏封

之禮

後漢光武以侯霸為尚書令每奉常下寬大之詔奉四時之命皆霸所建也郭伋遷尚書令處職機

密數納忠諫陳忠為尚書令前後所奏悉條於南宮閣上以為故事鄭弘為尚書令亦著於南宮以為故事郭賀字喬卿為尚書令百姓歌之曰厭德仁明郭喬卿忠政朝廷上下平又左雄字伯豪為尚書令自雄在尚書天下不敢謬選十餘年間稱為得人自雄掌納言多所正肅沈勳字異徵詣南宮賜酒拜尚書令持節臨辟雍

名冠百僚荀彧字文若為尚書令居中持重焚毀故案
奇策密謀不得盡聞又舉荀攸可以代已後攸為尚書
令亦推賢進士魏武帝曰二荀
令之論人久而益信沒世不亡

魏晉印綬與漢同冠進

賢兩梁納言幘五時朝服佩水蒼玉受拜則策命之以

在端右故也薨於朝堂發哀

陳矯字季弼為尚書令魏明帝卒至尚書門矯跪問

曰陛下欲何之帝曰欲案行文書耳矯曰此臣職分非陛下所宜臨也若臣不稱職則請就黜帝慙迴車晉樂廣為尚書令無當時稱為後人所思又太熙元年詔曰夫總百揆之得失官王政之開塞者端右之職也是以自漢以來慎選其人議郎王戎可為尚書令又衛瓘字伯玉拜尚書令性嚴憚以灋御下視尚書若參佐尚書郎若掾屬又能遠啟曰伏見吏部以太尉荀組為尚書令復領荊州牧自三代以來未聞以納言之官而出領

牧伯者王彪之字叔虎為尚書令與謝安共掌朝政安每稱曰朝之大事衆不能決者諮之王公無不立判

魏晉以下任總機衡事無大小咸歸令僕

宋孝建元年詔曰尚書百

官之元本庶績之樞機丞郎列曹局司有任自頃事無巨細悉歸令僕非所以詔能濟業也更可明體制責厥

成也齊梁舊用左僕射美遷司空

謝朓字敬仲徵為司徒尚書令朓辭脚疾不堪

朝謁仍角巾自輿詣雲龍門謝既見乘小車就席

梁陳並有之後魏北齊掌彈

糾見事與御史中丞更相廉察隋亦總領衆務大唐尚

書令朝服鷲冕八旒七章三梁冠武德初太宗為秦王

時嘗居之其後人臣莫敢當故自龍朔三年制廢尚書

令至廣德中郭子儀勲業既盛乃特拜焉子儀以文皇帝故讓不敢受

僕射

左右丞

左右司郎中

員外郎附

僕射秦官漢因之自侍中尚書博士郎皆有之古者重

武官有主射以督課

古者重武官以善射者掌事故曰僕射僕射者僕役於射也一云僕

也主軍屯吏騶宰永巷宮人皆有取其領事之號

凡此諸官皆有

僕射隨所領之事以為號也若軍屯吏則曰軍屯僕射永巷則曰永巷僕射

成帝建始元年

初置尚書五人以一人為僕射主封門掌授廩假錢穀

鄭崇字子游為尚書僕射數直諫諍每見曳革履上笑曰我識鄭尚書履聲後為人所譖上責崇曰君門如市

何欲禁切主上崇曰臣門如市
臣心如水上怒下獄治死獄中

後漢尚書僕射一人署

尚書事令不在則奏下衆事印綬與令同

自漢以下章服並與令同

獻帝建安四年以執金吾榮邵為左僕射衛臻為右僕

射侍者分置左右蓋自此始

鍾離意字子游拜尚書僕射嘗賜胡侍子當五十疋

尚書郎受詔誤以三十疋上怒召郎欲鞭之意入曰臣位大罪重郎位小罪輕臣當先坐然後及郎遂解衣當鞭上曰釋之非鍾離尚書幾降威於此郎又明帝作北宮意諫止之出為魯相及德陽殿成百官大會上笑曰鍾離尚書在朕不得成此殿鮑永字君長拜僕射將兵案河東永好文德雖行大將軍事常白襜路稱白衣尚

書
經魏至晉於江左省置無恒

魏徐宣字寶堅為左僕射加侍中車駕幸許昌

宣統留事帝還主者奏呈文書詔曰吾與僕射何異竟不視又時欲以賈誦為僕射譙辭曰尚書僕射官之師長天下所屬其
置二則為左右僕射或不兩置但曰尚
奈於國朝何

書僕射

荀顛字景倩其外甥陳泰啟顛代已泰薨代泰為僕射領吏部四辭而受顛承泰後加之淑慎

綜覈名實風俗澄一又武帝詔曰中軍將軍羊祜秉德清劭經緯文武雖處腹心之任不處樞機之重非垂拱無為之意也其以祜為尚書僕射又司馬珪為尚書右僕射時年四十九衆以為美又周顛為左僕射風德雖重過江積年恒飲酒三日醒時人謂為三日僕射謝安亦為僕射
令闕則左為省主若

左右並闕則置尚書僕射以主左事置祠部尚書以掌

右事則尚書僕射祠部尚書不恒置矣

若無令則左僕射為省主與令

同若左右並闕則直置僕射在其中間總左右事

宋尚書僕射勝右減左右居

二者之間僕射職為執法置二則為左右執

王敬弘為僕射關置

文案初不省讀嘗陪聽訟文帝問以疑獄敬弘不對帝變色問左右何故不以訊牒副僕射敬弘曰臣乃得訊

牒正自不解帝不悅後遷尚書令

又與尚書分領諸曹兼掌彈舉

王弘為僕

射奏彈康樂縣侯謝靈運淫其孽女殺興胡江漢請免官削爵付大理內臺舊體不得用風聲舉彈此事彰赫暴之朝野不敢拱默武帝令免官而已齊左右僕射行則分道左僕射領

殿中主客二曹

諸曹郊廟園陵車駕行幸朝儀臺內非違文官舉補滿敘疾假事其諸吉慶瑞

應眾賀災異賊發眾變臨軒策命改號格制莅官銓選凡諸除署功論封爵貶黜八議疑讞通關案則左僕射

主右僕射
次經之

右僕射領祠部儀曹

掌諸曹庫藏穀帛文武廩給諸軍資差量人役

百工死病亡叛討捕考剔非違租布稅調理船車兵器其祠部郊廟喪贈儀曹儀典禮學武官除署移井城邑人戶復除家宅田地興工創架運寫拘慮刑獄聽訟百工免遣通關及案奏事則右僕射主左僕射次經之

黃案左僕射上署右僕射次署凡僕射掌朝軌尚書掌

獻奏都丞任在彈違

諸詳獻事應須命議相值者皆郎先立意應奏黃案及關事以立意

官為議主凡辭訴有慢命者曹掾咨如舊若或命有咨則以主意者為議主

齊梁舊制右僕

射遷左僕射左僕射美遷令其僕射處於中陳亦然後

魏二僕射左居上右居下

令僕中丞騶唱而入宮門至於馬道及郭祚為僕射以為

非盡敬之宜乃奏請御在太極騶唱至止車門御在朝堂止司馬門騶唱不入宮自此始也又朱仲遠為行臺僕射請准朝式在軍鳴騶廢帝笑而許之其肆情若此北齊僕射職為執法置二

則為左右僕射皆與令同左糾彈而右不糾彈隋文帝開皇三年詔左右僕射從二品左掌判吏部禮部兵部三尚書御史糾不當者兼糾彈之右掌判都官度支工

部三尚書又知用度餘竝依舊

楊素為右僕射與高穎專掌朝政後文帝漸疎

忌素詔曰僕射國之宰輔不可躬親細務但三五日一度向省評論大事示崇重實奪其權也終仁壽之末不

復通大唐左右二僕射因前代本副尚書令自尚書令省事

廢闕二僕射則為宰相故太宗謂房玄齡杜如晦曰公
為僕射當洞開耳目訪求才賢是為宰相弘益之道今
以決辭聽訟不暇豈助朕求賢之意乃令尚書細務悉
委於兩丞其寬濫大故當奏聞者則關於僕射及貞觀
末除拜僕射必加同中書門下平章事及參知機務等
名方為宰相不然則否然為僕射者亦無不加焉至開
元以來則罕有加者

自開元以來始有單
為僕射不兼宰相者

初龍朔二年

改左右僕射為左右匡政咸亨元年復舊官品第四

元上

三年閏三月制尚書省頒
下諸州府並宜用黃紙

武太后改二僕射為文昌左

右相進階為從三品尋復本階神龍初復為左右僕射

二年九月勅門下及都省宜
日別錄制勅每三月一進
開元元年改為左右丞相

從二品統理衆務舉持綱目總判省事

二年四月勅在
京有訴寃者並

於尚書省陳牒所司為理若稽延致有屈滯者委左右
丞相御史臺訪察聞奏如未經尚書省不得輒於三司

越
訴御史糾不當者兼得彈之至天寶元年復舊議曰按

僕射秦官其名則微其識甚細東漢以後雖委任漸重

職司會府而非百寮師長之職也又按丞相亦秦官秦

氏每羣臣上表皆云丞相臣某為首漢之宗臣蕭何為丞相漢儀丞相進天子御座為起在輿為下有疾瀟駕至第問得戮二千石申屠嘉欲斬內史晁錯是也霍光受顧託之重當伊周之地廢昌邑王上表太后丞相臣做為首大司馬大將軍臣光次之其尊崇如此中間嘗置左右丞相亦嘗改為相國亦為大司徒大抵漢之丞相是為三公於天下無所不統後漢亦以三公為宰相則司徒本西漢丞相也後或為丞相或為相國或為大

丞相雖互為之名其實一也曹公司馬師昭趙王倫王
敦王導劉義宣齊高帝梁武帝爾朱榮侯景陳武帝齊
獻武隋文帝皆為之歷代多非尋常人臣之職亦多為
贈官然自秦以降實居百寮之長今尚書令總領衆務
舉持綱目僕射貳之誠為崇重且非統國政宰天下之
任宜侍中中書令如直以尊崇則太師不然上公太尉
始可師長命百寮也龍朔中天寶初嘗改侍中中書令
為左右相遠協伊尹仲虺為左右相周公召公相成王

為左右之義斯誠允當或為尚書令僕射錄尚書之職是官之師長按前代錄尚書霍光張安世王鳳趙熹牟融鄧彪張禹李固王導褚彥回齊明帝之徒或是丞相或是三公或是大將軍大司馬兼之皆秉朝政猶古冢宰百官總已實宰輔也其時別自有令僕今僕射雖嘗改為丞相名同而職異品秩又未崇極上有三師三公尚書令七人豈得比前代丞相受任也其襲舊名無實者若今刺史皆云使持節按前代使持節得戮二千石

其王公以下封國皆南面臣人分茅建社其開府儀同三司則禮數班秩皆如三公置府辟吏今並豈有其實乎此例甚衆不能徧舉安有僕射因改丞相之名都無丞相之實而為百寮師長也又與丞郎絕禮若不隔品致敬則諸司長官與隔品寮屬其可絕禮乎斯不然矣。左右丞秦置尚書丞一人屬少府漢因之至成帝建始四年置丞四人及後漢光武始減其二唯置左右丞佐令僕之事臺中紀綱無所不總左丞主吏民章服及

駙伯史

黃香字文彊部左丞功滿當遷和帝留增秩後部尚書選僕射

右丞與僕射皆

掌授廩假錢穀又假署印綬及紙筆墨諸財用庫藏

楊喬

為右丞行值太常辛柔柔不避車盛奏柔不敬下廷尉

左右丞關以次夕郎補之

三歲為刺史漢御史中丞侍御史行複道中遇尚書及丞郎避車執版揖丞郎坐車舉手禮之車過遠乃去尚書言左丞敢告知如詔書律令郎見左右丞對揖無敬稱曰左右君丞郎見尚書執版揖稱曰明時郎見令僕執版拜朝賀對揖魏晉左右丞銅印青黑綬進賢一梁

冠介幘絳朝服左丞主臺內禁令寢廟祠祀朝儀禮制

選用置吏急假兼糾彈之事

傅咸答辛曠詩序曰尚書左丞彈八座以下居萬機

之會乃皇朝之司直天潢之管轄又鄧詵為左丞奏推吏部尚書崔洪洪曰我舉鄧丞而還奏我此挽弓自射

之謂也

右丞掌臺內庫藏廬舍凡諸器用之物及刑獄兵

器督錄遠道文書章表奏事宋因之而右丞亦主錢穀

虞玩之字茂瑤宋元徽中為右丞齊高帝參政與玩之書曰今漕藏有關吾賢居右丞已覺金粟可積矣皆

銅印黃綬齊左右丞寢廟郊祠吉慶瑞應災異立作格

制諸案彈用除置吏補滿除遣

任遐為右丞奏御史中丞陸澄不糾事請免澄

官又建康令與秣陵令同乘行車前導四卒右丞沈
昭略奏凡有鹵簿官共乘不得兼列騶道請免其官視

中書郎遷黃門郎左丞掌兵士百工補役死叛考代年
老疾病解遣其內外諸庫藏穀帛刑刻創架爭訟田地
船乘兵工死叛考剔討捕差分百役兵器諸營署又領
州郡租布民戶移徙州郡縣併帖城邑人戶割屬刺史
二千石令長丞尉被收及免贈文武諸犯削官事白案
則右丞上署左丞次署黃案則左丞上署右丞次署諸
立格制及詳讞大事郊廟朝廷儀體亦左丞上署右丞

次署皆銅印黃綬一梁冠梁左丞掌臺內分職儀禁令

報人章督錄近道文書章表奏事糾諸不灋凡諸尚書

文詣中書省者密事皆以契刀囊盛之封以丞相印

劉洽

字義瓘為左丞準繩不避
貴戚尚書省賄賂莫敢通

右丞掌臺內藏及廬舍凡諸

器用之物錄遠道文書章表之事陳因之後魏北齊左

丞為上階右丞為下階北齊左丞掌吏部等十七曹

吏部

考功主爵殿中儀曹三公祠部主客左右
中兵左右外兵都官二千石度支左右戶

并糾彈見事

又主管轄臺中違失並糾駁之

崔昂除左丞兼度支尚
書左丞兼尚書近代未

有唯昂為冠首朝野榮之又酷吏宋遊道為左丞始為故事於尚書省門立石以記出入早晚令僕以下皆側

日 右丞掌駕部等十一曹

駕部虞曹屯田起部兵部北
部水部膳部倉部金部庫部

亦管轄臺中唯不彈糾餘悉與左同隋左右丞掌分尚

書諸司糾駁

元壽字長壽為尚書左丞蕭摩訶妻弟將死奏令其子向江南收家產壽奉劾之曰

摩訶遠念資財近亡正奸令其子捨危綴之母為聚斂之行御史韓微之等見而不彈請付大理臣忝居左轄

無容 寢默 大唐因隋制龍朔二年改為左右肅機

其年有宇文化反子

孫論資廢所司理之至於勾留右肅機陽昉未詳案狀訴者自以道理已成無復疑滯勒而逼昉昉謂曰適退朝未食食畢詳之訴者曰公云未食亦知天下有累年羈旅者乎昉遽命案立判之曰父弒隋主子訴隋資生

者猶配遠方死
者無宜更叙

咸亨元年復舊

儀鳳四年韋仁約除尚書左丞約奏曰陛下為

官擇人無其人則闕今不惜美錦令臣製之此陛下知之深矣微臣盡命之日矣振舉綱目略無留事羣曹肅

然
左丞掌管轄諸司糾正省內勾吏部戶部禮部等十

二司通判都省事右丞掌管兵部刑部工部等十二司

餘與左丞同。左右司郎中隋煬帝三年於尚書都省

初置左右司郎二人品同諸曹郎從五品掌都省之職

大唐貞觀二年改為郎中龍朔二年改為左丞務咸亨

元年復舊令掌副左右丞所管諸司事省署抄目勘稽

失知省內宿直判都省事若右司不在則左併行之左
司不在右亦如之。員外郎武太后永昌元年置與郎
中分掌曹務神龍元年省二年復置

歷代尚書

八座附

秦尚書四人

不分曹名

漢成帝初置尚書五人其一人為僕

射四人分為四曹

尚書曹名自此而有

常侍曹

三公卿

二千石曹

主郡

國二千石民曹

主凡吏民上書以人字改為自後歷代曹部皆同

客曹

主外國

後又

置三公曹

主斷獄

是為五曹後漢尚書五曹六人其三公

曹尚書二人

學元下歲盡集課州郡

吏曹

學選舉齊祠後漢志謂之常侍曹亦謂之選部

二千石曹

掌中都官水火盜賊辭訟罪法亦謂之賊曹

民曹

掌總理功作鹽池苑囿

客

曹

掌羌胡朝賀法駕出則護駕後漢光武分二千石曹及客曹為南主客北主客二曹

兩梁冠納

言饋或說有六曹

按後志云分客曹為二是六天曹也又晉志云以前漢五曹更加中都官

曹為六曹也按應劭漢官云二千石曹主中都官書則不應更有中都官曹也今依劭說為五曹六人魏朗字仲英人為尚書再升紫微謬誇禁省為百僚所服又張陵字處仲為尚書歲朔梁冀帶劍入省陵叱令佩劍劾冀詔以歲俸贖罪又鄭均字仲虞為尚書滄泊無為以病罷還第賜尚書祿號為白衣尚書

魏有吏

部左民客曹五兵度支凡五尚書晉初有吏部三公客

曹駕部屯田度支六曹

無五兵

太康有吏部殿中五兵田

曹度支左民為六曹尚書

無駕部三公客曹

及渡江有吏部祠

部五兵左民度支五尚書

皆銅印墨綬進賢兩梁冠納言曠絳朝服佩水蒼玉乘軺

車皂輪執笏負荷加侍官者武官左貂金蟬

宋有吏部祠部度支左民

左民尚書

統左民及駕部二曹

都官五兵六尚書

尚書納言曠進賢兩梁冠佩水蒼玉

齊梁與

宋同

侯景改梁五兵為七兵尚書又職官錄曰齊尚書品服差與今同

亦別有起部而

不常置也

梁何胤字子季為左民尚書後辭官隱於若耶山雲門寺勅給白衣尚書祿胤回難又到

洽為御史中丞兄溉為左民尚書舊中丞不得入尚書下舍洽引服親不應有碍刺史省詳決乃許入溉省亦

以其兄弟素

陳與梁同後魏初有殿中

學殿內兵馬倉庫

樂部

字伎樂及

駕部

掌牛馬驢騾

南部

掌南邊州郡

北部

掌北邊州郡

五尚

書其後亦有吏部

初曰選部

兵部都官度支七兵祠部民曹

等尚書又有金部庫部虞曹儀曹右民宰官

元魏為宰官尚書

都牧

元魏為都牧尚書

牧曹右曹太倉太官祈曹神都儀同曹

等尚書

自金部以下但有尚書之名而不詳職事

北齊有吏部殿中

殿中統殿中曹

主駕行百官留守名帳宮殿禁衛及儀曹三公駕部四曹

祠部五兵都官度支六尚

書後周無尚書隋有吏禮兵刑戶工六部尚書大唐尚

書與隋同

龍朔二年改尚書為大常伯咸亨初復舊

歷代吏部尚書及侍郎

品秩悉高於諸曹。八座後漢以六曹尚書并令僕二

人謂之八座魏以五曹尚書二僕射一令為八座宋齊

八座與魏同

晉梁陳不言八座之數

隋以六尚書左右僕射及令

為八座大唐與隋同

凡歷代尚書有五曹則兼以二僕射一令為八座有六曹則以左右

僕射為一座兼令共為八座若有六曹而左右僕射並闕則以尚書僕射及令為八座若尚書唯有五曹又無

左右僕射則不備

歷代郎官

郎官謂之尚書郎漢置四人分掌尚書事一人主匈奴

單于營部一人主羌夷一人主吏民戶口墾田一人主

財帛委輸後漢尚書侍郎三十六人

後漢志曰尚書六曹侍郎三十六人

一曹六人也又漢官儀尚書侍郎三十五人又晉志曰光武分尚書為六曹之後今置三十四人並未詳孰是

主作文書草取孝廉年未五十先試牋奏選有吏能者

為之更直五日於建禮門內尚書郎初從三署諸臺試

初上臺稱守尚書郎中滿歲稱尚書郎三歲稱侍郎五

歲遷大縣其遷為縣令縣令秩滿自占縣詔書賜錢三

萬與三臺租錢餘官則否吏部典劇多超遷者鄭弘為
僕射奏以臺職任尊而賞薄人無樂者諸吏郎補二千
石自此始也八座受成事決於郎下筆為詔策出言為

詔命

後漢尚書陳忠上疏曰尚書出納帝命為王喉舌
之官臣等既愚闇諸郎多文俗吏鮮有雅才每為

詔文宣示內
外轉相求請

其入直官供青縑白綾被或以錦縹為之

縹私列反
縹繫也

給帳帷茵褥通中枕太官供食物湯官供餅

餌及五熟果實之屬五日一美食下天子一等給尚書
郎侍史一人女侍史二人皆選端正妖麗執香爐香囊

護衣服奏事明光殿省省中皆以胡粉塗壁畫古賢烈

女以丹朱漆地故謂之丹墀尚書郎口含雞舌香以其

奏事答對欲使氣息芬芳也奏事則與黃門侍郎對揖

黃門侍郎稱已聞乃出丞郎月賜赤管大筆一雙隃麋

墨一九

後漢王鐸為尚書侍郎臺閣議奏常依義據法為三臺之表又馮約字仲文為尚書郎每奏事

未報常俯伏省閣下或從昏至明天子默使持被覆之不驚也日暮諸郎下約每獨在後帝嘉之又三輔決錄

曰陳重與其友雷義俱拜尚書郎義以左黜重見義去官亦以病免又徐防為尚書郎職典樞機周密畏慎隃

麋今汧陽縣出墨

魏自黃初改祕書為中書置通事郎掌詔草

即今中書舍人之任

而尚書郎有二十三人

有殿中史部駕部金部虞曹比部南主客

祠部度支部農部水部儀曹三公倉部民曹二千石中兵外兵都兵別兵考功定課

非復漢時

職任青龍二年尚書令陳矯奏置都官騎兵合凡二十

五郎每一郎缺白試諸孝廉能結文案者五人謹封奏

其姓名以補之

魏韓宣為尚書郎常以職事當受爵已皆縛束杖未行文帝榮過聞而赦之

晉尚書郎選極清美號為大臣之副武帝時有三十四

曹

加魏直事七田起部左士右士其民曹中兵外兵分為左右主客又分為左右南北無農部定課考功凡

三十四曹後又置運曹為三十五曹置郎中二十三人更相

統攝

晉魏舒字元陽為尚書郎時欲沙汰郎官非其才者咸有媿色又解參兄弟少連叔連俱歷太子洗馬舍

人尚書郎州里榮之又賈克改定律令以裴楷為定科

郎
或為三十六曹

晉裴秀以尚書三十六曹統事准例不明宜使諸郎任職未及奏而薨

當五王之難其都官中騎三曹郎畫出督戰夜還理事

嵇含言於長沙王又曰昔魏武每有軍事增置掾屬尚書令陳祿以有軍事亦奏增郎況今都官中騎三曹蓋

出督戰夜還理事一人兩役內外廢乏含謂各有主帥矣之大將軍不宜復令臺察雜與其聞又從之乃增郎

及令
東晉有十五曹

殿中祠部吏部儀曹三公比部金部度支部官左民騎部倉部庫部

中外
自過江之後官資小減

上坦之字文度選曹將擬為尚書郎坦之聞曰自過

江尚書郎正用第二人何得以此見擬其子國寶好何側婦父謝安應之除尚書郎國寶以為中興膏腴之族唯作吏部不作餘曹郎是之辭不拜又宋江智淵改尚書庫部郎時高流官序不為臺郎智淵門孤援寡獨有此意甚不悅因辭不拜梁王筠除尚書殿中郎王氏過江以來未有居郎署者或勸不就筠曰陸平原東南之秀王文度獨步江東吾得此職桓玄僭位改都官郎為

賊曹宋高祖時有十九曹元嘉以後有二十曹郎三公

比部主法制度支主算都官主軍事刑獄其餘曹所掌

各如其名

宋武帝初加置騎兵主客起部水部四曹并東晉舊十五曹合為十九曹元嘉十八年增

剛定曹郎郎即魏世之定科郎也三十年又置功論郎後又省騎兵故為二十曹

齊依元嘉制

其拜吏部郎亦有表讓之禮

齊謝朓遷尚書吏部郎上表三讓中書疑朓官未及

讓以問沈約約曰宋元嘉中范曄讓吏部朱循之讓黃門蔡興宗讓中書日並三表認答其事宛然近代小官不讓遂成常俗恐此有乖讓意王藍田劉安西並貴重初自不讓今豈可慕此不讓耶孫興公孔顛並讓記室今豈可三署皆讓耶謝吏部今授梁加三曹為二十三

曹

加殿中虞曹也曰

其郎中舊用員外郎正主簿正佐有才地

者為之遷通直郎天監三年復置侍郎視通直郎中

遷為之

梁劉洽為尚書殿中郎洽兄弟羣從遞居此職時人榮之又殿中郎闕武帝曰此曹舊用文學

且居鴈行之首宜詳擇其人乃以張緬為之

陳有二十一曹

省梁二曹不知何曹

後魏

三十六曹

史闕其文

至西魏十二年改為十二部

後周既改為部遂以

柳慶為計部郎中又柳清為尚書度支郎遷正員外今人或謂前代正員郎即今尚書郎中按歷代所稱正員

郎者即散騎侍郎耳謂非員外通直者故謂之正員郎則非尚書之職自魏晉以後尚書省自有郎中官不應

更置正員郎 **北齊有二十八曹**

吏部考功主爵殿中儀曹三公駕部祠部主客虞曹屯田

起部左中兵右中兵左外兵右外兵都兵都官二十石比部水部膳部度支倉部左民右民金部庫部

其

吏部三公各二人餘並一人凡三十郎中

後魏北齊唯置郎中

隋

初尚書有六曹二十四司凡領三十六侍郎

吏部司勳主客膳部

兵部職方都官司門度支部比部刑部等侍郎各二人主爵考功禮部祠部駕部庫部金部倉部工部屯田

虞部水部侍
郎各一人

分司官曹務直禁省如漢之制至開皇三

年二十四司又各置員外郎一人以司其曹之籍帳侍

郎闕則攝其曹事

今尚書員外郎其置自此始以前歷代皆謂之尚書郎各以曹名為稱首

或謂之侍郎皆無員外之號前代史傳及職官要錄或有言員外郎者蓋謂員外散騎侍郎耳非尚書之職說在散騎篇前代所言郎官上應列宿蓋謂三署郎非謂今尚書郎中也具三署郎叙篇中煬帝即位

以尚書六曹各置侍郎一人以貳尚書之職

今之侍郎其置自此

始也或有曹加二人者夫侍郎之名舊矣漢凡諸郎皆掌更直執戟宿衛諸殿門以侍衛之故通謂之侍郎故武帝時拜東方朔為郎當時謂之官不過侍郎位不過執戟是也歷代尚書亦有侍郎隋初尚書諸曹二十四

司諸郎皆謂之侍郎通古今之郎官耳非今
六部侍郎之任自漢以來尚書侍郎悉然

改諸司侍

郎但曰郎

則今郎中之職

又改吏部為選部郎禮部為儀曹郎

兵部為兵曹郎刑部為憲曹郎工部為起曹郎以異六
侍郎之名廢諸司員外郎而每司增置一曹郎各為二
員都司置左右司郎中各一人品同諸曹郎掌都省之
職尋又每減一郎置承務郎一人同開皇員外郎之職
大唐改隋諸司郎為郎中每曹又復置員外郎武德六
年廢六司侍郎貞觀二年復舊今尚書省有左右司郎

中各一人員外郎各一人分管尚書六曹事其諸曹諸司郎中總三十人員外郎總三十一人通謂之郎官尤

重其選

凡郎中章服皆玄冕五旒衣無章裳刺黻一章兩梁冠凡員外郎章服並爵弁玄纓簪尊者衣

纁裳一梁冠

其職任名數各列在六曹之後

歷代都事主事令史

都事晉有尚書都令史八人秩二百石與左右丞總知都臺事宋齊八人梁五人謂之五都令史職與晉同舊用人常輕武帝詔曰尚書五都職參政要非但總領衆

局亦乃方軌二丞頃雖求才未臻妙簡可革用士流以

盡時彥乃以都令史視奉朝請

其時以太學博士劉訥兼殿中郎司空漢曹參

軍劉顯兼吏部都太學博士孔虔孫兼金部都司空漢

曹參軍蕭軌兼左民都宣毅墨曹參軍王顯兼中兵都

五人並以才地

兼美歷茲選矣

隋開皇初改都令史為都事置八人煬

帝分隸六尚書置六人領六曹事大唐因之。主事二

漢有之

漢光祿勳有南北庭主事三署之事於諸郎之中察茂才高第者為之後漢范滂字孟博自光

祿四行遷光祿主事時陳蕃為光祿勳滂執公儀詣蕃

蕃亦不止滂懷恨投板棄官而去郭泰聞之曰若范孟

博者豈宜以公禮格之蕃乃

謝又胡伯蕃公沙穆並為之

後魏於尚書諸司置主事

令史隋於諸省又各置主事令史員煬帝三年並去令史之名但曰主事隨曹閑劇而每十令史置一主事不滿十者亦一人雜用士人

顏延之者文學名流為內史主事

大唐並用

流外。令史漢官也後漢尚書令史十八人曹有三人主書後增劇曹三人合二十一人皆選於蘭臺符節簡練有吏能者為之

漢官儀云能通蒼頡史籀篇補蘭臺令史滿歲補尚書令史滿歲為尚書

郎後漢韋彪字孟達上疏曰往時楚獄大起故署令史以助郎職而類多小人好名害利今者務簡可者停省

其尚書郎初與令史皆主文簿其職一也郎缺以令史

久次者補之光武始革用孝廉孝廉恥焉

時故事尚書郎缺以令史

各次補之光武始改用孝廉為郎而孝廉丁卯稱病不就詔問實病羞為郎乎對曰臣實不病恥以孝廉為令史職耳帝怒杖之數十詔問欲為郎否郎曰能殺臣者陛下不能為郎者臣也中詔遣出竟不能為郎人郎中羨若詣闕上書訟梁冀矯暴冀陰殺之學生劉帝當代名儒素喜於若冀召帝補令史以此辱之也舊制

尚書郎限滿補縣長令史補丞尉尚書令鄭弘奏曰職

尊賞薄多無樂者請郎補千石令史為長帝從之

蜀志董厥

為府令史諸葛亮稱之曰董令史良士也後遷至尚書令史平臺事

西晉令史朝晡詣都

座朝江左唯早朝而已又賈充為尚書令以目疾表置

省事吏四人尚書置省事自此始也其品職與諸曹令

史同

姚長園符堅遣僕射戶緯詣堅問事堅見其瓌傑問曰卿於朕代為何官緯答曰尚書令史堅曰卿

宰相才王景略之儔也而朕失之今日之亡不亦宜乎

晉宋蘭臺寺正書令史雖

行文書皆有品秩朱衣執板給書僮孔顛為御史中丞

坐鞭令史為有司所糾

孔顛性素儉蘭臺令史者三吳富人輕顛故也

梁陳與

晉宋同後魏令史亦朱衣執笏然謂之流外勳品北齊

尚書郎判事正令史側坐書令史過事令史皆平揖郎

無拜自隋以來令史之任文案煩屑漸為卑冗不叅官

品

開皇十五年詔州縣佐史三年一代不得重任

煬帝以四省三臺皆曰令史

九寺五監諸衛府則皆曰府史於時令史得官者甚少

年限亦賒

隋牛弘常問於騎尉劉炫曰按周禮士多而庸史少今令史百倍於前制官減則不濟其

故何也炫曰古人委任責成歲終考其殿最案不重求文不繁悉府史之任掌要目而已今之文簿恒慮覆理鍛鍊告辛甚密萬里追證百年舊案故諺曰老吏抱案死今古不同若此之相懸也弘又曰後魏北齊之時令史從容而已今則不遑寧舍其事何也炫曰齊氏立州不過十三府行臺遞相統領文書行下不過十條今州二百其繁一也往者州唯置網紀郡置守丞縣唯令而已其所具察則長官自辟受詔赴任每州不過數十今則不然大小之官悉由吏部纖介之迹皆屬考功其繁二也省官不如省事省事不如清心官不省而欲從容

庶可得乎弘善
異言而不能

大唐武德中天下初定京師穀糴貴

遠人不相願仕流外始於諸州調佐史及朝集典充選
不獲已而為之遂促年限優以叙次六七年有至本司
主事及上縣尉者自此之後遂為官途總章中詔諸司
令史考滿合選者限試一經時人嗟異著於謠頌

時閭立本

為右相姜恪為左相立本無他才識時以善畫稱之恪
嘗累為將軍立功塞外是歲京師饑旱弘文崇賢司成
三館學生並放歸本貫當時為之語曰左相宣威沙
漠右相馳譽丹青三館學生放散五臺令史明經

行臺省

行臺省魏晉有之昔魏末晉文帝討諸葛誕散騎常侍

裴秀尚書僕射陳泰黃門侍郎鍾會等以行臺從至晉

永嘉四年東海王越帥衆許昌以行臺自隨是也

越請討石

勒表以行臺隨軍

及後魏謂之尚書大行臺別置官屬

後魏道武帝置

中山行臺以秦王儀為尚書令以鎮之孝文永熙三年以宇文泰為大行臺以蘇綽為行臺度支尚書

北

齊行臺兼統民事自辛術始焉

武定八年辛術為東南道行臺東徐州刺史郭

志殺郡守文宣聞之勅術曰江淮初附百姓難向京師留卿為行臺亦欲理邊民寬枉監理牧守自今以後所統十餘州地諸有犯法者刺史先啟聽報以下先理後表齊代行臺兼總民事自術始也

其官置令

僕射其尚書丞郎皆隨時權制

江左無行臺唯梁末以侯景為河南王太行臺

承制如節禹故事

隋謂之行臺省有尚書令僕射

左右任置

各一人

主事四人有考功

兼吏部主爵司勳

禮部

兼祠部主客

膳部兵部

兼職

方駕部庫部刑部

兼都官司門

度支

兼倉部

金部工部屯田

兼水

部虞部

侍郎各一人每行臺置食貨農圃武器百工監副

各置丞

食貨四人農圃一人武器二人百工四人

錄事等員

食貨農圃百工各二人武器一

蓋隨其所管之道置於外州以行尚書事大唐初亦

置行臺貞觀以後廢其後諸道各置採訪等使每使有

判官二人兼判尚書六行事亦行臺之遺制



通典卷二十二



總校官庶吉士臣侍朝

校對官編修臣馬啟泰

騰錄監生臣張桴

欽定四庫全書薈要

史部

通典卷二十三

四三

詳校官員外郎臣楊世綸



欽定四庫全書薈要卷九千一百四十一

史部

通典卷二十三

唐京兆杜佑君卿纂

職官五

尚書下

吏部尚書 侍郎 員外郎 郎中 員外郎 司勳郎中 員外郎 司封郎中 考功

郎中 員外郎

周禮天官太宰掌建邦之六典以佐王理邦國

變冢言
太者百

官總焉則謂之冢宰列職於王則謂之太宰宰主也周公居攝而作六典之職以佐王理邦國漢成帝初分尚書置四曹蓋因事設員以司其務非擬於古制也至光武乃分為六曹迄於魏晉或五或六亦隨宜施制無有常典自宋齊以來多定為六曹稍似周禮至隋六部其制益明大唐武太后遂以吏部為天官戶部為地官禮部為春官兵部為夏官刑部為秋官工部為冬官以承周六官之制若參詳古今徵考職任則天官太宰當為尚書令非吏部之任今吏部之始宜出夏官之司士又夏官之屬有司士下大夫二人掌羣臣之版版名籍也歲登下其損益之數謂用功過黜陟辨

其年歲與其貴賤

年數多少知其老少

周知邦國都家縣鄙之數

卿大夫士庶子之數以詔王理

告王所當進退

以德詔爵

有賢者之

德乃詔

以功詔祿

理有功勳後詔以祿

以能詔事以久奠食

能者事成

乃食之王制曰論定然後官之任官然後爵之位定然後祿之

漢成帝初置尚書有常

侍曹主公卿事後漢改為吏曹主選舉祠祀後又為選

部靈帝以梁鵠為選部尚書魏改選部為吏部主選事

陳羣為尚書延康元年始

建九品官人法拜吏部尚書又毛玠字孝先為吏部尚書無敢好衣美食者魏武嘆曰孤之法不如毛尚書吳暨豔字子休為選曹尚書性峭厲好清議當時郎署混濁多非其人欲區別賢愚彈射百寮覈選三署皆貶高就下降減等數其居位貪鄙志節卑污者皆以為軍吏置營府以處之故惋憤聲積競言豔用私情愛憎不由公理豔晉與魏同

山濤為吏部尚書用人皆先密啓然後公奏舉無遺才凡所題目終始如

其言唯用陸亮尋以賄敗啓事曰臣欲以郟生為溫令詔可尋又啓曰訪聞誅喪母不時葬遂於所居屋後假葬有異同之議請更選之詔曰君為管人倫之職此輩應為清議與不便當裁處之江霽字思元三為選官始為吏部郎遷侍中吏部尚書僕射世說曰鍾會見王戎裴楷總角曰裴楷清通王戎簡要後二十年此二賢當為吏部尚書冀爾時天下無復滯才劉聰僭號省吏部置左右選曹石勒時又置左右執法郎典定士族副選舉之任

霽音彬

宋時吏部尚書領吏部刪定三公比部四曹孝

武不欲威權在下大明二年分吏部尚書置二人以輕其任而省五兵後還置一吏部尚書順帝昇明元年又置五兵二尚書晉宋以來吏部尚書資位尤重

宋時徵豫章太

守蔡廓為吏部尚書廓至謂左丞傅隆曰選皆出我乎
隆言之執政徐羨之曰黃門以下專以相委過此則與
衆參之廓聞之曰我不能為徐羨之署紙尾遂不就選
案黃紙錄事尚書與吏部尚書連名故云署紙尾又庾
炳之為吏部尚書通貨賄吏部令史錢泰能琵琶主客
令史周伯齊善歌詣炳之宅諮事因留宿尚書舊制令
史諮事不得停外雖有八座
命亦不許為所司奏免官
梁陳亦然
部尚書性凝簡

負才氣見九流賓客不與交言但舉扇一揮而已衣冠
竊恨之又謝覽字景滌肱之弟淪之子自祖至孫三世
居選部時以為榮又王恭字仲通為都官尚書能接人
士皆願其居選官頃之為吏部尚書衣冠傾屬又謝舉
字言揚遷掌吏部舉祖莊宋代再
典選至舉又三為此職前代未有
後魏北齊吏部統吏

部掌褒崇
選補

考功主爵三曹

自洛陽遷鄴以後掌大選知
名者數四文襄帝少年高明

所蔽也疎袁淑德沈密謹厚所傷者細楊愔風流辨給取士失於浮華唯辛術為尚書性尚貞明擢士以才以器循名責實新舊參舉管庫必擢門閥不遺前後銓衡術最為折衷甚為當時所稱後周有吏部

中大夫一人

掌羣臣及諸子之簿辨其貴賤與其年歲歲登下其損益之數依六勲之賞頒祿之

差小吏部下大夫一人

掌貳吏部之事

領司勲上士等官屬大

司馬隋吏部統吏部主爵司勲考功四曹

牛弘為吏部尚書其選舉

先德行而後文才所進用多稱職吏部侍郎高孝基鑑賞機悟清慎絕倫然爽俊有餘迹似輕薄時宰多以此疑之唯弘深識其貞推心委任隋之選舉於斯為最又曰盧愔攝吏部尚書何季奏蘇威陰事愔相連讞司奏愔曰房恭懿者尉遲迥之黨不當仕進威愔二人曲相薦達累轉為海州刺史又吏部參選者甚多愔即不授

官皆作色而遣威有從父弟徹肅二人徵詣吏部徹文
狀後至而先任用肅左足孿蹇才用凡劣愷以威之故
而授朝請郎文帝怒曰愷敢將天官為私惠乃除名為
庶民自後周以降選無清濁及愷攝吏部與薛道衡陸
彥師等甄別士流故涉黨固之譖遂及於此大
唐龍朔二年改吏部尚書為

司列太常伯咸亨初復舊光宅元年改吏部為天官神

龍元年復舊天寶十一年改為文部

至德初復舊

掌文官選

舉總判吏部司封司勳考功四曹事舊令班在侍中中
書令上開元令移在侍中中書令下尚書六曹吏部兵
部為前行戶刑為中行禮工為後行其官屬自後行遷

入二部者以為美自魏晉以來凡吏部官屬悉高於諸曹其選舉皆尚書主之自隋置侍郎貳尚書之事則六品以下銓補多以歸之大唐至貞觀以前尚書掌五品

選事

貞觀二十二年二月文部侍郎盧承慶兼檢校兵部侍郎仍知五品選事承慶辭曰五品選事職在

尚書臣今掌之便是越局太宗不許曰朕今信卿卿何不自信也由此言之即尚書兼知五品選事明矣至

景龍中尚書掌七品以上選侍郎掌八品以下選至景

雲元年宋璟為尚書始通其選而分掌之因為常例開元以前諸司之官兼知政事者午前議政於朝堂午後

理務於本司自開元以來宰相員少資地崇高又以兵

吏尚書權位尤美而宰臣多兼領之但從容衡軸不自

銓綜其選試之任皆侍郎專之尚書通署而已遂為故

事或分領其事則列為三銓

四年六月勅其員外郎御史并餘供奉官直進名勅

授自此不在吏部

尚書掌其一侍郎分其二

尚書所掌謂之尚書銓侍郎所掌其

一為中銓其一

○侍郎二人

隋煬帝置說在歷代郎中篇凡六司侍郎皆貳尚書

之事吏部初置一員總章元年加一員龍朔二年改為司列少常伯咸亨元年復舊分掌選部流內六品以下官是為銓衡之任凡初任進者無不仰屬焉當選集之際勢傾天下列曹之中資位尤重初隋世高孝基為吏

部侍郎房元齡杜如晦與選孝基時加賞異後以為知
人大唐大皇帝永徽時馬戴裴行儉為吏部侍郎貞觀
以來最為稱職又鄧元挺為此官不稱職甚為時談所
鄙常患消渴選人因號為鄧渴坐此遷澧州刺史有能
名武太后重拜為天官侍郎其弊愈甚又以許子儒為
之子儒不以藻鑑為意其補官悉委令史勾直時曰平
配後崔元暉為之介然自守絕於請謁為執政者所忌
轉文昌左丞選司令史乃設齋自慶武太后聞之復拜
為天官 ○郎中二人 漢魏以來尚書屬或有侍郎或有
侍郎 郎中或曰尚書郎或曰某曹郎或

則兩置或為五名雖稱號不同其職一也皆今郎中之
任山公啓事曰吏部郎主選舉宜得能整風俗理人倫
者又曰吏部郎以碎事日夜相接非但當正己而已乃
當能正人不容穢雜也乃以議郎杜默為之齊謝朓為
吏部郎上表三讓說在歷代郎官篇又王儉為吏部郎
專斷曹事又陸慧曉字叔明為吏部郎吏部都令史歷

政以來咨執選事慧曉任已獨行未嘗與語帝遣左右
以事請問之慧曉曰六十之年不復能踏都令史為吏
部郎也梁顧憲之字士思為吏部郎初其祖凱之嘗為
吏部於庭植嘉樹謂人曰吾為憲之種耳至是憲之果
為此官然自過江吏部郎不復與大選又王亮字奉升
為吏部郎銓序著稱及後為吏部尚書拘資次而已當
代謂為不能又任昉為吏部郎參掌大選居職不稱轉
御史中丞又職官錄曰梁吏部郎舊視中丞遷侍中又
陳吏部郎中秩六百石後魏孝文帝欲創革舊制選置
百官謂羣臣曰為朕舉一吏部郎給卿三日假尋曰朕
已得之矣乃徵崔亮為之亮字敬儒自參選事垂將二
十年廉慎明決尚書曰非崔郎中選事不辦又曰韋湯
為吏部郎性貪婪鬻官吏皆有定價隋初諸曹郎皆
謂之侍郎煬帝三年置六司侍郎後遂改諸曹侍郎但
曰郎其吏部郎改為選部郎國初復為選部郎中武德
二年選部郎中鄭元毓以贓犯處極刑是也五年改為

吏部郎中龍朔二年改為司列大夫咸亨元年復舊掌
選補流外官謂之小銓并掌文官名簿朝集祿賜假使

并文官告身

○員外郎二人

隋開皇六年置吏部員外
郎一人煬帝三年改為選

部承務郎武德三年復舊加置一人一員判廢置一員
判南曹起於總章二年司列少常伯李敬元奏置未置
以前銓中自勘責故事兩員轉廳至建中元年侍郎邵
說奏各挾關替南曹郎王錡以後遂不轉廳貞元十一
年閏八月侍郎杜黃裳奏舊例轉廳初武太后延載元
年又加一員聖歷二年八月省開元十二年四月初兵
吏各專定兩人判南曹尋却一人判貞元元年九
月又以兩人判至十二年閏八月又却一員判

○司

封郎中一人

左傳曰晉文公執秩以正其官注云執秩
主爵秩之官漢尚書有封爵之任而無其

官故後漢書曰馮勤字偉伯光武以為郎中給事尚書
使典諸侯封事勤量功次輕重國土遠近地勢豐薄不

相踰越莫不厭伏焉自是封爵之制非勤不定晉尚書有左右主客曹北齊河清中改為主爵置郎中一人屬史部主封爵之事隋初為主爵侍郎煬帝改為主爵郎武德初為主爵郎中龍朔二年改為司封大夫咸亨元年復舊光宅元年改為司封郎中掌封爵皇之枝族及諸親內外命婦告身及道士女冠等天寶八載十一月勅道士女冠籍每十載一造永為常式至德二年十一月勅道士女冠等宜依前屬司封曹

○員外

郎一人

隋文帝置煬帝改為主爵丞務郎武德初為主爵員外郎其後曹改而官不易

○司勳

郎中一人

周禮夏官有司勳上士掌六卿賞地之法歷代無聞至後周吏部有司勳上士一人掌六

勳之賞以等其功如古之主爵隋文帝置司勳侍郎煬帝改為司勳郎永徽五年十二月四夜司勳庫失火甲歷並盡龍朔二年改為司勳大夫咸亨初復故學校定勳績論官賞勳官告身等事

○員外郎二

人隋文帝置煬帝改為司勳承務郎武德初為司勳員外郎○考功郎中一人漢文帝時

京房作者功課吏之法然其職不在尚書至光武改尚書三公曹主歲書考課課諸州郡魏尚書有考功定課二曹宋元嘉三十年又置功論郎並其任也例在吏部郎中篇後魏考功郎掌考第考秀北齊考功郎中亦掌考第及考秀貢士隋文帝置考功侍郎煬帝改為考功郎武德初復為考功郎中龍朔二年改考功為司績咸亨初復舊掌考察內外百官及隋文帝置功臣家傳碑頌誥等事○員外郎一人煬帝改為考功承務郎武德初復為考功員外郎其後曹改而官不易武德舊令考功郎中監試貢舉人貞觀以來乃以員外郎專掌貢舉者郎之殊美者至開元二十四年移貢舉於禮部而考功員外郎分判事而已

戶部尚書

侍郎

郎中

員外郎

度支郎中

倉部

員外郎

倉部

倉部

郎中 員外郎

周禮地官大司徒之職掌建邦之土地之圖與其人民

之數

按今戶部之職與地官之任雖亦頗同若徵其承受考其沿襲則戶部合出於度支度支主計筭之

官也筭計之任本出於周禮天官之司會云

又太宰之屬有司會以九貢之

法致邦國之財用以九賦之法令田野之財用以九功

之法令民職之財用以九式之法均節邦之財用掌國

之官府郊野縣都之百物財用凡在契書版圖者之貳

以逆羣吏之治而聽其會計

逆謂受而鈎考之可知得失多少

漢置尚

書郎四人其一人主財帛委輸至魏文帝置度支尚書

寺專掌軍國支計吳有戶部

吳孫休初即位戶部尚書階下讀奏

而晉有

度支

晉當陽侯杜元凱為度支尚書內以利民外以救邊備物置用以濟當時之益者五十餘條又張華

為度支尚書量計

皆主筭計也宋齊度支尚書領度支

運漕決定廟筭

金部倉部起部四曹梁亦有之後魏度支亦掌支計

崔亮

為度支尚書經營

北齊度支統度支

掌計會凡軍國損益供糧廩等事

費用歲減億計

倉部左戶

左戶掌天下計帳戶口

右戶

掌天下公私田宅租課

金部庫部六

曹後周置大司徒卿一人如周禮之制其屬有民部中

大夫二人掌承司徒教以籍帳之法贊計人民之衆寡

隋初有度支尚書則并後周民部之職

漢成帝初置尚書有民曹主凡

吏民上書悉經此曹理之後漢光武改民曹主繕修工
作鹽池苑囿魏置左民尚書晉惠帝又加置右民尚書
至於宋齊梁陳皆有左民尚書而後魏有左民右民等
尚書多領工役非今戶部之例而梁陳兼掌戶籍此則
略同自周隋有民部始當今戶部之職開皇三年改度支為民部統度支

民部金部倉部四曹國家修隋志謂之戶部蓋以廟諱

故也

煬帝時韋冲為民部尚書又武德二
年隋民部尚書蕭瑀為相府司錄

大唐永徽初

復改民部為戶部廟諱故也

太宗在位詔官名及公私
文籍有世民兩字不相連

者並不諱至顯慶元年改戶部為度支龍朔二年改度
高宗始諱之

支尚書為司元太常伯咸亨元年復為戶部尚書初戶

部居禮部之後武太后改置天地四時之官以戶部為

地官由是遂居禮部前神龍元年復改地官為戶部總

判戶部度支金部倉部事○侍郎二人

蓋周官小司徒
中大夫頗同其

任後周依周官今侍郎則隋煬帝置民部侍郎大唐因
之後改曰戶部龍朔二年改為司元少常伯咸亨元年
復為戶部侍郎他時曹名或改而官號不易舊制
一員長安四年加一員神龍元年減二年復加○郎

中二人

漢尚書郎一人主戶口墾田吳時張溫為尚書
戶曹郎魏有民曹郎晉分為左右民曹宋齊以

下或為左民或為左戶後魏有戶部郎北齊有左右民曹例在戶部郎中篇隋初為戶部侍郎煬帝除侍字隋未改為民部郎武德初為民部郎中龍朔二年改郎中為大夫咸亨元年復舊他時曹名或改而官號不易掌戶口籍帳賦役孝義優復蠲免婚姻繼嗣百官衆庶園宅口分永業等建中三年正月戶部侍郎判度支杜佑奏天寶以前戶部事繁所以郎中員外各二人判署自兵興以後戶部事簡度支事繁唯郎中員外各一人請回轍郎中員外各一人分判度支案

○員外郎二人

隋文

帝置煬帝改為承務郎

○度支郎中一人

漢初張蒼善算以列侯主

計居相府領郡國上計者謂之計相殆今度支之任魏尚書有度支歷代度支具尚書中隋初為度支侍郎煬帝除侍字武德加中字龍朔二年改度支為司度咸亨元年復舊掌支使國用開元二十四年三月戶部尚書

同中書門下三品李林甫奏租庸丁防和糴春絲稅草
諸色旨符每年一造據州府及諸司計紙當五十萬張
仍差百司抄寫事甚勞煩條目既多詳檢難過緣無定
額支稅不常亦因此涉情兼長姦偽臣今與採訪使及
朝集使商量有不穩便於人非當土所出者隨意沿革
務從允便即人知定准政有常文編成五卷以為長行
首冠省事司每年但收應支物數頒行每州不過一兩
紙仍附驛送勅依至德以後戎事費多二年十二月呂
諲為兵部侍郎平章事充勾當度支使上元元年五月
劉晏為戶部侍郎勾當度支事元年建子月元載為戶
部侍郎勾當度支使寶應元年正月劉晏為戶部侍郎
勾當度支使二年二月韓滉以宰相加度支使五月二
日寶參為中書侍郎平章事度支使自後

○員外郎一

雖無亦有他官判或云權判亦云專判

人改置與戶部

○金部郎中一人

周官有金職掌金玉錫石丹青之令總尚

書有金部郎其後歷代多有之北齊金部主才量尺度
內外諸庫藏文帳隋盧昌衡字子均祖孝徵薦為尚書
金部郎每謂人曰吾用盧子均為尚書郎自謂無愧幽
冥矣隋初為金部侍郎煬帝除侍字武德中加中字龍
朔二年改金部為司珍咸亨初復舊天寶中改為司金
至德初復舊掌庫藏金寶貨物權衡度量等事自開元
二年置鑄錢使
○員外郎一人
改置與戶部
皆以他官為之
員外郎同
○倉部郎

中一人

周官有倉人主藏九穀又有廩人主藏九穀之
數調賜稍食魏尚書有倉部郎後魏有太倉尚

書亦其任也故後魏書曰李訢為太倉尚書攝南部事
令千里之外戶別轉運詣倉輸之所在委積延停歲月
大為困弊歷代多有倉部曹皆掌倉廩之事後周有地
官屬司倉下大夫隋初為倉部侍郎煬帝除侍字武德
中加中字龍朔二年改倉部為司庾咸亨初復舊天寶
中改為司儲至德初復舊掌諸倉廩之事開元二十六

年以後置出納使皆以他官為之
訢音許斤切

○員外郎一人

改置與戶部員外郎同

禮部尚書

侍郎

郎中

員外郎

祠部郎中

郎中

員外郎

膳部郎中

員外郎

主客

唐虞之時秩宗典三禮周禮春官大宗伯掌建邦之天神人鬼地祇之禮後漢尚書吏曹兼掌齋祀亦其職也

魏尚書有祠部曹及晉江左有祠部尚書掌廟祧之禮

魏舍臺中宴會詩其祠部云仰承宗廟懷祇虔

常與右僕射通職不常置以右

僕射攝之

歷代皆與右僕射通職

宋祠部尚書領祠部儀曹二曹

齊梁陳皆有祠部尚書後魏為儀曹尚書北齊祠部尚

書統祠部

掌祠祀醫藥
死喪贈賻

主客虞曹屯田起部五曹又有

儀曹主吉凶禮制屬殿中尚書後周置春官卿又有禮

部而不言職事後改禮部為宗伯又春官之屬有典命

掌內外九族之差及玉器
衣服之命沙門道士之法

後改典命為大司禮俄改大

司禮後為禮部謂之禮部大夫

後周盧愷為禮部
大夫充聘陳使

至隋

置禮部尚書統禮部祠部主客膳部四曹蓋因後周禮

部之名兼前代祠部儀曹之職大唐龍朔二年改禮部

尚書為司禮太常伯咸亨元年復舊光宅元年改禮部

為春官神龍元年復舊總判祠部禮部膳部主客事○

侍郎一人

周官春官小宗伯中大夫頤同今任後周依周官今侍郎則隋煬帝置大唐因之龍朔二

年改為司禮少常伯咸亨元年復舊他時曹名或改而官號不易掌策試貢舉及齋郎弘崇國子生等事舊制考功員外郎掌貢舉開元二十三年考功員外郎李昂為進士李權所詆朝議以考功位輕不足以臨多士至二十四年遂以禮部侍郎掌焉開元天寶之中昇平既久羣士務進天下髦彥由其取舍故勢傾當時資與吏部侍郎

○郎中一人

周官春官肆師下大夫亦頤同今任魏尚書有儀曹郎掌吉凶禮制

歷代多有例在吏部篇宋齊儀曹屬祠部梁書曰武帝謂徐勉云今帝業初構須一人有學藝解朝儀者為尚

書儀曹郎勉曰孔休源識具清通詳練故事自晉宋起居注畧誦上口遂拜為儀曹郎後周依隋初為禮部侍郎煬帝除侍字又改為儀曹郎武德初改為禮部郎中龍朔二年改為司禮大夫咸亨初復舊其後曹改而官不易掌禮樂學校儀式制度衣冠符印
表疏冊命祥瑞鋪設喪塋贈賻及宮人等 ○員外郎

一人

周禮四司上士後周依馬至隋文帝置禮部員外郎煬帝改為儀曹承務郎武德三年復舊其後曹

改而官

○祠部郎中一人

魏尚書有祠部郎歷代皆有主禮制後魏裴修為中大夫

兼祠部曹祠部曹主禮樂每有疑議修撰斟酌故實咸有條貫後周有典祠中大夫隋初為侍郎煬帝除侍字武德中加中字龍朔二年改為司禮大夫咸亨元年復舊延載元年五月制天下僧尼隸祠部不須屬司賓開元二十年正月制僧尼隸祠部天寶十一年改祠部為職祠至德初復舊掌祠祀天文漏刻國忌廟諱卜祝醫

藥等及僧尼簿籍自天寶六載及至德三年常置祠部使以他官為之

○員外郎一人置

與戶部員

○膳部郎中一人

膳部於周官即膳夫凌人二職也晉尚書有左右

外郎同
士曹後魏都官尚書管左士郎北齊改左士為膳部郎掌侍官百司禮食餼饌屬都官尚書後周有膳部大夫一人亦掌飲食屬大冢宰隋膳部屬祠部初置侍郎煬帝除侍字武德中加中字龍朔二年改為司膳大夫咸亨初復舊天寶十一年又改膳部為司膳至德初復舊掌飲膳藏冰及食料

○員外郎一人

改置與戶部員外郎同

○主客郎中一人

漢成帝初置尚書有客曹主外國夷狄後光武

分改為南主客北主客二曹至魏亦為南主客至晉氏分為左右南北四主客或單為客曹宋齊梁陳單有主客後魏吏部管南主客祠部管左主客北齊改左主客為主爵南主客為主客隋初為侍郎煬帝除侍字尋又

改為司籍郎武德初改為主客郎中龍朔二年又改
主客為司藩咸亨元年復舊掌二王後及諸藩朝聘

員外郎一人

改置與戶部
員外郎同

兵部尚書

侍郎

郎中

員外郎

職方郎中

郎中

員外郎

駕部郎中

員外郎

庫部

周禮夏官大司馬之職掌以九伐之法正邦國制軍誥

禁以糾邦國領校人牧師職方司兵之屬即今兵部之

任也魏置五兵尚書

周官有司兵掌五兵五盾各辨其
物與其等以待軍事五兵之名當

出於此鄭司農云五兵
者戈及戟酋矛夷矛也

五兵謂中兵外兵騎兵別兵都

兵也晉初無太康中乃有五兵尚書而又分中兵外兵

各為左右

按晉雖分中兵外兵為左右與舊五兵為七曹然尚書唯置五兵而已無七兵尚書之名

至後魏始有七兵尚書耳今諸家著述或謂晉太康中置七兵尚書誤矣

宋五兵尚書唯領

中兵外兵二曹餘則無矣齊梁陳皆有之後魏為七兵

尚書北齊為五兵統左中兵

掌諸都督告身諸宿衛官

右中兵

掌畿內丁

帳事諸兵力士

左外兵

掌河南及潼關以東諸州丁帳及發召諸兵

右外兵

掌河北及潼關

以西諸州所典與左外兵同

都兵

掌鼓吹太樂部小兵等事

五曹後周置大司馬

其屬又有兵部中大夫小兵部下大夫其職並缺至隋

乃有兵部尚書統兵部職方駕部庫部四曹蓋因後周
兵部之名兼前代五兵之職大唐龍朔二年改兵部尚
書為司戎太常伯咸亨元年復舊光宅元年改為夏官
神龍元年復舊天寶十一年改為武官

至德初復舊

掌武官

選舉總判兵部職方駕部庫部事其分領選舉亦為三

銓制如吏部

尚書所掌謂之尚書銓侍郎所掌其一為中銓其一為西銓各有印

○侍郎

二人

隋煬帝置大唐因之龍朔二年改為司戎少常伯咸亨元年復舊他時曹名或改而官不易舊制一

員總章元年加一員掌署武職武勳官三衛及兵士以上簿書朝集祿賜假使差發配親士帳內考覈及給武

職告

○郎中一人

歷代兵部曹皆有郎具尚書中或單為郎或置郎中例在吏部郎中為隋

初為兵部侍郎煬帝除侍字改為兵部曹郎武德三年改為兵部郎中龍朔二年改為司戎大夫咸亨元年復

舊掌與

○員外郎二人

隋文帝置兵部員外郎煬帝改侍郎同為兵部丞務郎武德三年復舊

其後曹改

○職方郎中一人

周禮夏官有職方氏掌天下之圖辨九州之國歷代

無間至後周依周官隋初有職方侍郎煬帝除侍字武德中加中字龍朔二年改為司城大夫咸亨元年復舊掌地圖城隍鎮戍烽候防人路程遠近親化首衆

○員外郎一人

周官夏官職方上士後周

依周官隋改置與

○駕部郎中一人

周禮夏官之屬有與司馬又有校人

戶部員外郎同

主馬之官又有牧師掌牧放又有中車掌公車之政及王之五輅此皆駕部之本也魏晉尚書有駕部郎宋時

駕部屬左民尚書齊亦有之後魏與北齊並曰駕部郎
中後周有駕部中大夫屬夏官隋初為駕部侍郎屬兵
部及辛公義為駕部侍郎勾檢馬牧所獲十餘萬疋文
帝喜曰唯我公義奉國竭忠煬帝除侍字武德三年加
中字龍朔二年改為司輿大夫咸亨初復舊天寶中改
駕部為司駕至德初復舊掌輿輦車乘郵驛廐牧司牛
馬驢騾闌遺雜畜開元十八年閏六月勅比來給傳使
人為先傳馬事頗勞煩自今以後應乘傳者宜給紙券
二十三年十月勅新給都督刺史並闕三官州上佐並
給驛發遣二十八年六月勅有陸驛處得置水驛自二
十年以後常置館

○員外郎一人

周官有輿上士後周
有小駕上士蓋其任

也至隋置
與戶部同

○庫部郎中一人

周官有司甲掌戈盾弓矢
之長各辨其物以待軍事

魏尚書有庫部郎晉因之宋庫部主兵仗文帝宴會有
荒服外歸化人帝問尚書庫部郎顧琛曰庫中仗有幾

許琛詭對曰有十萬人仗舊武庫仗多秘不言帝既問失言及琛詭對善之歷代或有或缺後魏北齊庫部屬皮支尚書掌凡戎仗器用後周有武藏中大夫隋屬兵部初為庫部侍郎煬帝除侍字武德中加中字龍朔二年改為司庫大夫咸亨初復舊天寶十一年又改庫部為司庫至德初復舊掌軍器儀仗鹵簿法式及乘具等

○員外郎一人

周官有司兵中士後周有小武藏下大夫隋改置與戶部同

刑部尚書

侍郎 郎中 員外郎 都官郎中 員外郎 北部郎中 員外郎 司門

郎中 員外郎

唐虞之時士官以正五刑周禮秋官大司寇掌邦之三典以佐王刑邦國蓋其任也漢成帝時尚書初置二千

石曹主郡國二千石又置三公曹主斷獄後漢光武改三公曹主歲盡考課諸州郡政二千石曹掌中都官水

火盜賊詞訟罪法亦謂之賊曹重於諸曹

華譚集尚書二曹論曰劉

道貞問薛令長在吳何作答曰為吏部尚書問曰吳待吏部何如餘曹答曰並通高選吏部特一時之俊劉曰晉魏以來俱爾獨謂漢氏重賊曹為是吳晉重吏部為非薛君曰八座秩同班等其選並清宜同一揆若人才或多或少選例難精如不得已吏部職掌人物人物難明謂吳晉為得而君何是古而非今劉難曰今吏部非為能刊虛名舉沉樸者故錄以成人位處三署聽曹探鄉論而用之耳無煩乎聰明賊曹職典刑獄刑獄難精是以欲重之答曰今之賊曹不能聽聲觀色以別真偽縣不能斷獄之尚書也夫在獄者率小人在朝者率君

子小人易檢君子難精俱不得已吏部宜重職曹宜輕也魏青龍二年置尚書都官

郎佐督軍事晉復以三公尚書掌刑獄宋三公比部皆

主法制又置都官尚書主軍事刑獄領都官水部庫部

功論四曹齊梁陳並有都官尚書後魏亦有都官尚書

北齊都官統都官

掌畿內非
違得失

二千石

掌畿外
得失

比部水部

膳部五曹又有三公曹掌諸曹囚帳斷罪赦日建金鷄

等事

又掌五時
讀時令

屬殿中尚書後周有秋官大司寇卿掌

刑邦國其屬官又有刑部中大夫掌五刑之法隋初有

都官尚書開皇三年改都官為刑部尚書統都官刑部
比部司門四曹亦因後周之名大唐因之龍朔二年改
刑部尚書為司刑太常伯咸亨元年復舊武太后改刑
部為秋官神龍初復舊天寶中改為憲部至德初復舊

總判刑部都官比部司門事○侍郎一人

周官小司寇
中大夫蓋今

任也後周依周官至隋煬帝置刑部侍郎大唐因之龍
朔二年改為司刑少常伯咸亨元年復舊他時曹名或
改而官號不易掌律令定刑名

○郎中二人

周禮大司
寇屬官有

士師下大夫蓋今任也漢尚書有三公曹後漢有二千
石曹魏有都官曹皆掌刑罰獄訟之事歷代沿革具尚

書中或為侍郎或置郎中例在吏部郎中篇後周有小刑部下大夫屬秋官府隋初置刑部侍郎煬帝除侍字又改為憲部郎武德三年改為刑部郎中龍朔二年改為司刑大夫咸亨元年復舊與侍郎同 ○員外

郎二人

隋文帝置刑部員外郎煬帝改為憲部承務郎武德三年改為刑部員外郎其後曹改而官不

易 ○都官郎中一人

漢司隸校屬官有都官從事掌中都官不法事後漢又改尚書二千

石曹掌中都官水火盜賊魏青龍二年始置尚書都官郎佐督軍事晉宋尚書都官兼主刑獄歷代事具尚書中其官例在吏部郎中注後周則曰司屬隋初為都官侍郎掌簿錄配役官私奴婢良賤訴競俘囚等事煬帝除侍字置員外二人武德三年加中字減一人龍朔二年改為司僕大夫咸亨元年復舊掌簿斂配役官奴婢簿籍良賤及部曲

○員外郎一人

周官有司屬下士蓋並今任也後周依焉

容女俘囚之事

隋改置與

戶部同

○比部郎中一人

魏尚書有比部曹晉因之宋時比部主法制齊梁陳

皆有比部曹後魏亦然北齊掌詔書律令勾檢等事後

周曰計部中大夫蓋其任也隋初為比部侍郎煬帝除

侍字武德中加中字龍朔二年改為司計大夫咸亨元

年復舊天寶十一年又改比部為司計至德初復舊掌

內外諸司公廨及公私債負徒

○員外郎一人

改置與戶部員

役工程賦物帳及勾用度物

外郎

○司門郎中一人

周禮地官有司門下大夫掌按管鍵啓閉歷代多缺至後周依

同周官隋初有司門侍郎煬帝除侍字武德三年加中字

龍朔二年改為司門大夫咸亨元年復舊掌門籍關橋

及道路過所

○員外郎一人

周官有司門上士後周依焉後改置與戶部同

關遺物事

工部尚書

侍郎郎中員外郎屯田郎中
員外郎郎中員外郎
虞部郎中員外郎
水部

郎中 員外郎

周禮冬官其屬有考工掌百工之事曰國有六職百工
是其一焉漢成帝初置尚書有民曹主凡吏民上書後
漢光武改民曹主繕修功作鹽池園苑魏置左民尚書
亦領其職晉宋以來有起部尚書而不常置每營宗廟
宮室則權置之事畢則省以其事分屬都官左民二尚
書北齊起部亦掌工造屬祠部尚書後周有冬官大司
空卿掌五材九範之法其屬工部中大夫二人承司之

事掌百工之籍而理其禁令至隋乃有工部尚書統工

部屯田二曹蓋因後周工部之名兼前代起部之職大

唐龍朔二年改工部尚書為司平太常伯咸亨元年復

舊武太后改工部為冬官神龍初復舊總判工部屯田

虞部水部事○侍郎一人

隋煬帝改置工部侍郎大唐因之龍朔二年改為司平少

常伯咸亨元年復舊他時曹名或改而官不易

○郎中

一人

晉尚書有起部曹歷代皆有具尚書中隋初為工部侍郎煬帝除侍字又改為起部郎武德三年改

為工部郎中龍朔二年改為司平大夫咸亨元年復舊其後曹名改而官不易所掌與侍郎同

○員外

郎一人

隋文帝置工部員外郎煬帝改為起部承務郎武德三年復為工部員外郎其後曹改而官不

易

○屯田郎中一人

漢成帝置尚書郎兩人其一人掌戶口墾田蓋尚書屯田郎之始也

至魏尚書有農部郎又其職也至晉始有屯田尚書及太康中謂之田曹後復為屯田江左及宋齊則左民郎中兼知屯田事梁陳則曰侍郎後魏北齊並為屯田郎隋初為屯田侍郎兼以掌儀武之事故隋書曰柳彧為屯田侍郎特制三品以上門皆列戟左僕射高顯子弘德封應國公申請榮戟或判曰僕射之子更不異居父之榮戟已列門外尊有壓卑之義子有避父之禮豈有外門既設內閣又施事竟不行頗聞而歎服煬帝除侍字武德三年加中字龍朔二年改為司田大夫咸亨元年復舊掌屯田官田諸司公解官人職分賜田及官園宅等

○員外郎一人

改置與戶部員外郎同

○虞部郎中一人

虞部

蓋古虞人之遺職。至魏尚書有虞曹郎中。晉因之。梁陳曰侍郎。後魏北齊虞曹掌地圖山川遠近園圃田獵雜木等。並屬虞部。尚書後周有虞部下大夫一人。掌山澤草木鳥獸而阜蕃之。又有小虞部。並屬大司馬。隋初為虞部侍郎。屬工部。煬帝除侍字。武德中加中字。龍朔二年改為司虞大夫。咸亨元年復舊。天寶十一年又改虞部為司虞大夫。初復舊掌京城街巷種植山澤苑圃草木薪炭供須田獵等事。

○員外郎一人

隋初置與戶部員外郎同。龍朔以後曹名改而官不易。

○水部郎中一人

周禮夏官有司

險掌設國之五溝五塗而達其道路。蓋其職也。魏尚書有水部郎。歷代或置或否。後魏北齊有水部屬都官尚書。亦掌舟船津梁之事。後周有司水大夫。隋初為水部侍郎。屬工部。煬帝除侍字。武德三年加中字。龍朔二年改為司水大夫。咸亨元年復舊。天寶中改水部為司水。至德初復舊。掌川瀆濟梁船艦浮橋渠堰漁捕運漕水。

碾磴
等事
而官
不易

○員外郎一人

後周小司水上士隋改置與戶部
員外郎同龍朔二年以後曹名改

通典卷二十三

欽定四庫全書薈要卷九千一百四十二

史部

通典卷二十四

唐 京 兆 杜 佑 君 卿 纂

職官六

御史臺

御史之名周官有之蓋掌贊書而授法令非今任也

王有

命則贊為之辭寫其理之法令命來受者即授之 戰國時亦有御史秦趙澠池

之會谷命書其事又淳于髡謂齊王曰御史在前則皆

記事之職也至秦漢為糾察之任

秦以御史監郡漢初叔孫通新定禮儀以

御史執法舉不如儀者輒引而去是也

所居之署漢謂之御史府亦謂之

御史大夫寺

漢御史大夫寺在大司馬門內無墻其門署用梓板不黻色題曰御史大夫寺

亦

謂之憲臺成帝時御史府吏舍百餘區井水皆竭又其

府中列栢樹常有野鳥數千棲宿其上晨去暮來號曰

朝夕烏烏去不來者數月長老異之後果廢御史大夫

為大司空是其徵也後漢以來謂之御史臺亦謂之蘭

臺寺

顏師古曰官曹通名為寺後漢趙岐本名嘉以生於御史臺因字臺卿又應劭官儀曰廷尉案責上

御史臺又謝靈運晉書曰漢尚書為中臺御史為憲臺
謁者為外臺是謂三臺後漢蔡邕以待御史轉持書御
史遷尚書三日
梁及後魏北齊或謂之南臺北齊王高澄用崔暹
之間周遷三臺
為御史中尉宋遊道為尚書左丞謂之曰御
一人處南臺一人處北省當使天下肅然
後魏之制

有公事百官朝會名簿自尚書令僕以下悉送南臺

後魏

臨洮王舉哀東上尚書左僕射元順不肯送名又不送
簿中尉舉彈之順奏曰尚書百揆之本令僕納言之責
不宜下隸中尉送名御史詔許之後元子思為御史中
尉朔朝臺移尚書索應朝名帳尚書即裴獻伯移注云
按蔡氏漢儀御史中尉逢臺即於複道中尉下遊執版
即中車上舉手禮之以此而言明非敵體子思奏曰臣
按漢書御史中丞為獨坐又按魏書曰崔琰既為中丞
百僚震恐則中丞不揖者即亦已久矣憲臺不屬都坐

亦非今日又按孝文帝職令朝會失時則御史彈之若不送名到否何驗獻伯等亂帝變紀請付法詔曰國異政不可據以古事檢孝文後周曰司憲屬秋官府隋及帝舊格以聞尋從于思奏

大唐皆曰御史臺龍朔二年改為憲臺咸亨元年復舊

門北闕主陰殺也

按北齊楊撈伽鄴都故事云御史臺在宮闕西南其門北開取冬殺之義

斯事久矣今東都臺門所以不北向者蓋欲變古之制或建造者不習故事耳龍朔中改司經局為柱坊置司直為東宮之憲府亦開北門以象御史臺其例明矣或云隋初移長安城造御史臺時以兵部尚書李員通檢校御史大夫欲於尚書省近故闕北門北說非也

故御史為風霜之任彈糾不

法百僚震恐官之雄峻莫之比焉舊制但聞風彈事提

綱而已

舊例御史臺不受訴訟有通詞狀者立於臺門候御史御史竟往門外收採如可彈者略其姓名皆云風聞訪知永徽中崔義元為大夫始定受事御史人知一日劾狀題告人姓名或訴訟之事

其鞫

案禁繫則委之大理貞觀末御史中丞李乾祐以囚自

大理來往滋其姦故又案事入法多為大理所反乃奏

於臺中置東西二獄以自繫劾開元中大夫崔隱甫復

奏罷之其後罕有聞風彈舉之事多受詞訟推覆理盡

然後彈之將有彈奏則先牒監門禁止勿許其入

按宋書云

二臺劾奏符光祿加禁止不得入殿省是其先例光祿主殿門武太后時改御史臺為

肅政臺凡置左右肅政二臺別置大夫中丞各一人侍

御史殿中監察各二十人

又置肅政臺使六人受俸於本臺略與御史同尋罷之

左以察朝廷右以澄郡縣時議以右多名流左多寒刻

其遷登南省者右殆倍焉以其不陵朝貴故也二臺迭

相糾正而左加敬憚龍朔以後去肅政之名但為左右

御史臺

初置兩臺每年春秋發使春日風俗秋日廉察令地官尚書韋方質為條例刪定為四十八條

以察州縣延載以後奉勅乃巡不每年出使也

睿宗即位詔二臺並察京師資

位既等競為彈糾百僚被察殆不堪命太極元年以尚

書省悉隸左臺月餘右臺復請分館尚書西行事左臺

大夫竇懷貞乃表請依貞觀故事遂廢右臺而本御史

臺官復舊廢臺之官並隸焉

其左臺本御史臺也又別置右臺右臺地即今太僕

寺是也本隋長秋監地武太后改為司宮臺移於街北遂以其地置右臺右臺既廢以其地為御史臺使院開元八年移太僕寺於此

大夫一人中丞二人侍御史四人殿中侍

御史六人監察御史十人主簿一人內供奉裏行者各

如正員之半

太宗朝始有裏行之名高宗時方置內供奉及裏行官皆非正官也開元初又置御

史裏使及侍御史裏使殿中裏使監察裏使等官並無定員議與裏行同穆思泰元光謙呂太一翟章並為裏

使尋省建中三年九月御史臺請置推
官二人常與本推御史同推覆奉勅依

其臺憲故事官

資輕重則杜易簡韓琬註記詳焉

杜易簡撰御史雜法
四卷韓琬撰御史臺

記十
二卷

御史大夫

御史大夫秦官

侍御史之率
故稱大夫

漢因之位上卿銀印青綬

掌副丞相故事選郡守相高第為御史大夫任職者為

丞相

漢舊儀拜御史大夫為丞相左右前後將軍贊五
官中即將授印拜御史大夫二千石贊左右即將

授成帝綏和元年更名大司空

成帝欲修壁雍通三公
官故改御史大夫為大

司空

金印紫綬秩比丞相

御史大夫月俸四萬

哀帝建平二年朱博

奏請罷大司空以御史大夫為百僚師帝從之遂復為

御史大夫皆宰相之任

事具宰相篇

元壽二年復為大司空

漢高帝以御史大夫周昌為趙王相上持御史大夫印弄之曰誰可以為御史大夫者視趙克曰無以易堯遂拜之始堯為昌符璽御史有人謂昌曰君之吏趙堯奇才必代君為相昌曰堯刀筆小吏何至是乎後果然又倪寬為御史大夫以稱意任職故久無所匡諫於上官屬易之張湯為御史大夫每朝奏事日旰天子亡食丞相克位而已又趙綰為御史大夫請無奏太皇太后事即竇太后也好黃老言患其不用儒故奪其政又杜周為御史大夫後周子延年又為御史大夫以居父官不敢當舊位坐臥皆易其處又貢禹字少翁為御史大夫

列於三公自禹在位
數言得失書數十上

凡為御史大夫而丞相次也其心

冀幸丞相物故

物無也故事也言無所復能於事

或乃陰私相毀害欲

代之

見史記又曰鄭弘為大夫守之數年不得匡衡居之未滿歲而丞相死即代之

後漢初廢

御史大夫

更始至長安以隗囂為御史大夫建元元年光武東巡泰山以張純視御史大夫從封禪

禮畢
罷

至建安十三年罷三公官始復置之以郗慮居焉

華歆亦
為之

不領中丞置長史一人魏黃初二年又改御史

大夫為司空末年復有大夫而吳有左右焉

晉書曰魏以司空何

曾為晉國丞相以王沉為御史大夫是也
吳孫休以丁密孟宗為左右御史大夫

晉初省之此

皆為三公非今御史大夫也

今御史大夫即漢以來御史中丞是也後代或置大

夫皆中丞之五名非漢舊大夫之任唯劉聰僭號置御史大夫亞於三公頗似漢制也

中丞

初漢御史大夫有兩丞一曰御史丞一曰中丞亦謂中

丞為御史中執法

漢高帝詔徵賢良御史大夫下相國相國下諸侯王御史中執法晉灼曰

中執法乃

中丞在殿中蘭臺掌圖籍祕書

漢中丞有石室以藏祕書

圖識之屬以其居殿中故曰中丞

外督部刺史內領侍御史十五員受

公卿奏事舉劾案章蓋居殿中察舉非法也及御史大

夫轉為大司空而中丞出外為御史臺率即今之御史

大夫任也

自此以後並如今御史大夫也

周官小宰之職掌建邦之宮

刑以理王宮之政令凡宮之糾禁又其任也

周禮少宰注曰若今

御史中丞初御史大夫更名大司空置長史而中丞官職如

故武帝時以中丞督司隸司隸督丞相丞相督司直司

直督刺史刺史督二千石下至黑綬

漢中丞故二千石為之或選侍御史

高第執憲中司出為二千石

哀帝元壽二年御史中丞更名御史長

史後漢光武復改為中丞兩梁冠銅印青綬與尚書令

司隸校尉朝會皆專席而坐京師號為三獨坐言其尊

也凡中丞以下並文屬少府

以下謂侍御侍書等

魏初改中丞為

宮正舉鮑勛為之百僚嚴憚

陳羣及司馬宣王舉勛為之

後復為中

丞晉亦因漢以中丞為臺主與司隸分督百僚自皇太

子以下無所不糾初不得糾尚書後亦糾之

晉傅咸奏云司隸中

丞得糾太子而不得糾尚書臣所未譬朝廷無以易之又劉暉字長叔兼中丞奏免尚書僕射等十餘人朝廷嘉之遂以即真晉元帝即尊號省司直置中丞皇太子以下悉得糾劾之中丞專糾行馬內

司隸專糾行馬外雖制如是然亦更奏衆官實無其限

王恬字元愉為中丞簡文初即位未解嚴大司馬桓溫屯中臺夜吹警角恬奏劾溫大不敬請理罪明日溫見奏事歎曰兒乃敢彈我真可尚

宋中丞一人每月二十五日繞行宮垣

白壁

漢志執金吾每月一日繞行宮城宜是省金吾此事併中丞也

銅印墨綬進賢兩

梁冠佩水蒼玉介幘絳朝服

職官錄兼云青綬

孝武帝孝建二

年制中丞與尚書令分道雖丞郎下朝相值亦得斷之

餘內外衆官皆受停駐

宋文帝元嘉十三年有司奏御史中丞劉式之儀每至出行未

知制與何官分道舊科法唯稱中丞專道傳詔衆官應詔者得行制令無分別他官之文皇太子不宜與衆同例中丞應與分道揚州刺史丹陽尹建康令並是京輦土地之主或檢校非違或赴救水火事應神速不宜稽

駐並合分道又尋六門則為行馬之內且禁衛非違並由二衛及領軍未詳京尹建康令門內之從及公事亦得與中丞分道與否其六門內既非郡縣部界即不合依門外也 齊中丞職無不察專

道而行騶輻禁呵加以聲色武將相逢輒致侵犯若有

鹵簿至相毆擊

齊沈冲與兄淵淡三人並歷中丞

梁國初建又置御史

大夫天監元年復曰中丞中丞一人掌督司百僚皇太子其在宮門行馬內違法者皆糾彈之雖在行馬外而監司不糾亦得奏之專道而行逢尚書丞郎亦得停駐其尚書令僕御史中丞各給威儀十人其八人武冠絳

鞞音溝執青儀囊題云宜官告以受詞訟一人緹衣執鞭

杖依行列行七人唱呼入殿引隍至階一人執儀囊不

隍自齊梁皆謂中丞為南司

梁江淹字文通為中丞齊明帝曰令君為南司足以

肅震百僚也淹乃彈中書令謝朓等以久疾不預山陵公事又奏收梁益二州刺史贓賄付廷尉理罪臨海永嘉二太守及諸郡二千石大縣長官等多被劾理內外肅然明帝曰君可謂近世獨出又何敬容為宰相妾弟盜米執送領軍敬容以書解之領軍將軍河東王譽封其書以奏武帝怒付南司推劾中丞張綰奏敬容協私因上合棄市詔特免職舊制僕射中丞坐位東西相向元日大會張綰為中丞兄績為僕射及百司就列兄弟並道騶分趨兩塗前代未有時人榮之焉
隍音橫
陳因梁制
陳徐陵為中丞奏彈司空安城王頊

導從南臺官屬列奏案而入陳主為歛容正坐陵進讀奏時安城王在殿上侍立陵命殿中侍御史引下遂劾之免

江左中丞雖亦一時髦彥然膏粱名士猶不樂

宋顏延之

為御史中丞何尚之與延之書曰絳騶清路白簡深劾取之仲容或有虧耶王球甚矜曹地遺從弟僧朗除御史中丞球謂曰汝為此官不復成膏粱矣齊王僧虔遷御史中丞甲族由來多不居憲職王氏分枝居烏衣者為官微減僧虔為此官乃曰此是烏衣諸郎坐處我亦可試為耳

後魏為御史中尉督

司百僚其出入千步清道與皇太子分路王公百辟咸

使遜避其餘百僚下馬弛車止路傍其違緩者以棒捧

之其後洛陽令得與分道

元志為洛陽令與中尉李彪爭路俱入見彪曰御史中尉

辟乘華羽蓋駐論道劔鼓安有洛陽令與臣抗衡志曰
臣神州縣主普天之下誰非編民豈有俯同衆官趨避
中尉孝文
遂令分路

自東魏徙鄴無復此制北齊武成以其子瑯
琊王儼兼為御史中丞欲雄寵之復興舊制儼出北宮

凡京畿之步騎領軍之官屬中丞之威儀司徒之鹵簿

莫不畢備

時儼總領四職

武成觀之遣中使馳馬趣仗不得入

自言奉勅赤捧應聲碎其鞍馬騰人頗觀者傾京邑

北齊

高恭之字道穆為御史中丞帝姊奇陽公主行犯清路
執以赤捧卒呵之不止道穆令卒捧破其車主泣訴於
帝帝不責謂穆曰家姊
行路相犯極以為愧
後周有司憲中大夫二人掌司

寇之法辨國之五禁亦其任也隋以國諱改中丞為大
夫大唐因隋亦曰大夫龍朔二年改為大司憲咸亨初
復舊武太后改置左右肅政臺御史大夫各一人太極
初復舊掌肅清風俗彈糾內外總判臺事自周隋以來
無儀衛之重令行出道路以私騎匹馬從之而已

故事
侍御

史以下與大夫抗禮光宅元年九月韋思謙除左肅政
大夫遂坐受拜或以言謙曰國家班列自有差等難以
姑息其後大夫又與之抗禮至開元十八年有勅申明
隔品致敬其禮由之不改至二十四年六月李適之為
大夫又坐受拜其後有與之抗禮至今不改故事大夫
與監察競為官政略無承稟至開元十四年崔原甫為

大夫一切督責之事無大小悉令資決稍有忤意列其罪前後犯貶黜者過半羣僚側目上帝謂曰卿為大夫

深副朕意御史中丞舊持書侍御史也初漢宣帝元鳳中感

路溫舒尚德緩刑之言季秋後請讞時帝幸宣室齋居而決事令侍御史二人持書持書御史起於此也後因

別置冠法冠有印綬與符節郎共平廷尉奏事罪當輕

重後漢亦二人銅印青綬選明法律者為之

蔡留漢儀曰道御史

高第者誦之

凡天下諸讞疑事掌以法律當其是非自桓帝

之後無所平理苟充其位而已魏置持書執法掌奏劾

而持書侍御史掌律令二官俱置

宋志曰魏置御史八人有持書曹掌考課

不知餘復何曹

晉置四人太始四年又置黃沙獄持書侍御史

一人秩與中丞同掌詔獄及廷尉不當者皆理之後并

江南遂省黃沙持書侍御史及太康中又省持書侍御

史二員魏晉以來持書侍御史分掌侍御史所掌諸曹

若尚書二丞宋代掌舉劾齊梁並同皆統侍御史自宋

齊以來此官不重自郎官轉持書者謂之南奔

梁謝繼卿自尚

書三公侍郎為持書侍御史頗失

志多陳疾臺事略不復理是也

梁天監初始重其選

車前依尚書二丞給三駟執盛印青囊舊事糾彈官印
綬在前故也後魏掌糾禁內朝會失時服章違錯饗宴
會見悉所監之北齊亦有焉後周有司憲上士二人亦
其任也隋又為持書侍御史臺中簿領悉以主之大唐
永徽初高宗即位以國諱故改持書侍御史為御史中
丞龍朔二年改為司憲大夫咸亨元年復為中丞二人
大足元年張易之縱恣益橫常私引相工李私泰占吉
凶言涉不順御史中丞宋璟請窮究其狀武太后曰易
之等已自上聞璟曰謀反大逆無容首免易之等分外
承恩臣知言發禍從然義激於心雖死不恨太后不悅

內史姚元崇恐忤旨遽宣勅令出璟曰天顏咫尺親奉德音不須宰相擅宣王命太后意解乃收易之等入臺尋赦之令就宅謝罪璟拒而不見曰公事當言若私見法無私也景龍二年十二月御史中丞姚廷均奏律令格式懸之象魏奉而行之事無不理比見諸司寮案不能遵守章程事無大小皆悉奏聞臣聞為君者任臣為臣者奉法故云汝為君目將思明則知萬幾務綜不可徧覽也所以設官分職委任責成百工惟時以成垂拱之化比者或修一水窓或伐一枯木並皆上閭旒辰取斷宸衷豈代天理物至化之道也自今以後若緣軍國大事及牒式無文者任奏取進止自餘據章程行者各令准法處分其有故生疑滯致有稽失者請令御史隨事糾彈上從之

亦時有內供奉

本有一人聖歷中加一人尋省先天中復置

職副

大夫通判臺事

開元二十一年三月置京畿都採訪處置使以中丞為之

侍御史

侍御史於周為柱下史老聃嘗為之秦時張蒼為御史

主柱下方書亦其任也又云蒼為柱下御史明習天下

圖書計史籍

見史記如淳曰方板也謂事在板上也秦以上置柱下史蒼為御史主柱下事或曰

主四方文書也又職官錄曰秦改御史為柱下史

一名柱後史謂以鐵為柱言

其審固不撓也

一云冠法冠一名柱後惠文以鐵為柱也法冠者秦事云始皇滅楚以其君冠

賜御史亦名獬豸冠獬豸獸名一角以觸不直也故執法者冠之

亦為侍御史漢因之

凡十五員

又漢舊儀曰漢御史員四十五人皆六百石其十五人依給事殿中為侍御史宿廬在石

渠門外二人尚重四人持書給事二人侍
前中丞一人領錄二十人留寺理百官事
侍御史御史

大夫自調更告入歸官比丞相掾史史白錄

白錄著錄而已

惠

帝初遣御史監三輔郡其後又置監御史

漢官儀曰侍御史出督州

郡盜賊運漕軍糧言督軍糧侍御史至後漢復有護漕
都尉官建武七年省晉大元六年又置督運御史官

其舉郡國孝廉第四科云有能按章覆問文中御史

田延

年遷侍御史劾

霍光專廢立

武帝時侍御史又有繡衣直指者出討

姦猾理大獄而不常置

直指而行無苟私也衣以繡者尊寵之也江充拜直指繡衣使

督三輔盜賊禁察踰侈時近臣多奢僭充皆舉劾請沒
入車馬令身侍北軍擊匈奴奏可貴戚惶恐見上叩頭

願得入錢贖罪又王賀字翁儒武帝時為繡衣御史逐捕羣盜皆縱而不誅暴勝之亦為之至後漢譙元為繡衣御史持節分行天下觀覽風俗所至專行誅賞沈約云繡衣御史光武省順帝復置魏罷之後漢亦

有侍御史員察舉非法受公卿郡吏奏事有違失舉劾之凡郊廟之祀及大朝會大封拜則一人監威儀有違失則劾奏以公府掾屬高第補之或故牧守議郎郎中為之唯德所在初上稱守滿歲拜真出刺為刺史二千石平遷補縣令見中丞執板揖順帝復絕他選專用宰士有三缺三府各一舉劾案章事無大小尚書受成而

已威烈赫奕莫之敢犯真御史守中丞持書服其冠紱

上事言守關移稱真又按二漢侍御史所掌凡有五曹

一曰令曹

掌律令

二曰印曹

掌刻印

三曰供曹

掌齋祀

四曰尉

馬曹

掌廄馬

五曰乘曹

掌車駕

豹尾之內便為禁省

後漢桓典為侍

御史執政無所避常乘驄馬京都畏之為之語曰行行且止避驄馬御史又張綱為侍御史安帝時遣八使按行風俗唯綱最年少官卑餘皆宿儒重位同日受命各之所部綱獨埋其車輪於洛陽都亭曰豺狼當路安問狐狸遂奏大將軍梁冀弟兄罪惡又陳翔字子麟拜侍御史正旦朝賀大將軍梁冀威儀不整翔奏請收冀理罪時人奇之又楊秉字叔節拜魏置御史八人當大會侍御史京師咸稱有宰相之才

殿中御史簪白筆側陞而坐帝問左右此何官何主辛

毗曰此謂御史舊時簪筆以奏不法何當如今者直備

位但眊筆耳晉侍御史九人頗用郡守為之山公啓事曰舊侍御

史頗用郡守今散二千石有才能尚

少者可用不詔使八座詳之眊音餅品同持書而有十

三曹

十三曹者謂史曹課第曹直事曹印曹中都督曹外都督曹媒曹符節曹水曹中臺曹營軍曹法曹

羊曹及江左初有課第曹置庫曹掌廩牧

馬牛市租後分庫曹置左庫外左庫二曹宋代多併諸

曹凡十御史馬自漢以來皆朝服法冠

晉武庫失火尚書郭彭與侍御

史劉燾典知修復彭以后親輕傲以功程之間呵燾曰我本龍鞍特角耶以御史著法冠有兩角故也燾厲色

曰天子法冠而欲截角命
紙筆奏之噉音他昆反

齊有十人梁陳皆九人居曹

糾察不法後魏御史甚重必以對策高第者補之侍御
史與殿中侍御史晝則外臺受事夜則番直內臺御史
舊式不隨臺主簡代延昌中王顯有寵於宣武為御史
中尉始請革選此後踵其事每一中尉則更簡代御史
北齊有八人亦重其選後周有司憲中士則其任也隋
侍御史八人自開皇之前猶踵後魏革選自開皇之後
始自吏部選用不由臺主仍依舊入直禁中大業中始

罷御史直宿臺內文簿皆持書主之侍御史但侍從糾察而已由是資位少減大唐自貞觀初以法理天下尤

重憲官故御史復為雄要

貞觀十一年吳王恪好畋獵損居人田苗侍御史柳範奏

彈之太宗因謂侍臣曰推萬紀事我兒不能匡正其罪合死範進曰房元齡事陛下猶不能諫止畋獵豈可獨坐萬紀乎其將除拜皆吏部與臺長官宰相議定然後依選

例補奏其內詔別拜者不在其限

顯慶元年八月中書侍郎平章事李義府

恃寵用事聞婦人淳于氏有美色坐事繫大理乃諷大理丞畢正義枉法出之將納之有言其狀者上令給事中劉仁範鞠之義府空洩其謀遂逼正義自縊於獄中上知特原義府之罪侍御史王義方奏義府擅殺寺丞

陛下雖以釋放然天子置三公九卿二十七大夫八十
一元士本欲水火相濟鹽梅相成然後庶績咸熙風雨
交泰則知人主不得獨是非昔唐堯至聖失之於四凶
漢主深仁失之於陳豨光武聰明寬恕失之於逢萌魏
武勇略英雄失之於張邈此並英傑之主莫不失之於
前得之於後陛下繼聖撫有萬邦蠻陬夷落猶懼刑網
况輦轂咫尺姦臣肆虐殺一六品寺丞足使忠臣抗憤
縱令正義自取絞縊此事猶不可容便是畏義府之權
勢能殺身殺身滅口此則生殺之威上非主出賞罰之
柄下移姦佞請乞重勘正義當致死之由雪冤氣於幽
泉誅姦臣於白日對仗叱義府令下義府顧視不退義
方三叱上既無言義府趨出義方乃讀彈文曰義府善
柔成性佞媚為姿昔事馬周分桃見寵後交劉洎割袖
承恩生其羽翼長其光價因緣際會遂階通達貪冶容
之好原有罪之淳于恐漏泄其謀殞無辜之正義此而
可恕孰不可容請除君側少答鴻私碎首玉階庶明臣

節伏請付法推斷以申朝典

麟德以來用人尤重

高宗常問羣臣求可為御史者僉舉

萬年尉揚子失其名居數月復問之羣臣復舉焉上曰吾聞斯人常以褻服居公堂視事其可以為準繩司乎由是百司羣寮必表而親事

選授之命不由銓管及李義府掌大選

寵任既重始得補之

神龍三年吏部尚書蘇瓌案問鄭普思其妻有寵於韋庶人持勅命

對御辯折上屢抑瓌而理普思侍御史范讞忠歷階曰臣請先罪蘇瓌上問其故忠曰蘇瓌國之大臣荷榮貴久矣不能斬逆賊而後聞奏令使眩惑天聰搖動刑柄而普思反狀昭露陛下曲為申理此則王者不死今聖躬萬福豈有利天子耶臣請先死

自義府之後無出於

吏部者

舊御史遭長官於途皆免帽降乘長官載轡辭而止焉乾封中王本立為侍御史意氣頗高途

逢長官端揖而已自是諸人或降而立或一足至地
或側鞍弛鞚輕重無恒開元以來但舉鞭聳揖而已

御史凡四員

本二員顯慶中加二員乾封二年二月韋仁約除御史與公卿相見未嘗行拜禮或

勉之約曰鷄鵬鷹鷂豈衆禽之偶奈何設拜以狎之且耳目之官故當特立乃曰御史銜命出使不能動搖山岳震攝州縣

誠曠職耳

內供奉二員

侍御史內供奉與殿中御史內供奉監察御史裏行其制

並同皆無職田庶僕臺例占闕者得職田庶僕無闕可占則歲兩時請地于太倉每月受俸及庶僕於太府

掌糾察內外受制出使分判臺事又分直朝堂與給事

中中書舍人同受表裏寃訟迭知一日謂之三司受事

其事有大者則詔下尚書刑部御史臺大理寺同案之

亦謂此為三司推事

後漢永安中侍御史寒朗共三府案楚獄亦今三司之例

武太

后時刑獄滋章凡二臺御史多苛刻無恩以誅暴為事

猜阻傾奪更相陵構此其為弊也神龍以來稍革之其

後名流慎選侷於貞觀永徽矣侍御史之職有四謂推

推者掌

彈

掌彈舉

公廨

知公廨事

雜事

臺事急總判之

定殿中監察以

下職事及進名改轉臺內之事悉主之號為臺端他人

稱之曰端公其知雜事者謂之雜端最為雄劇食坐之

南設橫榻謂之南床殿中監察不得坐

亦謂之廳床言其具上者皆納

傲自得使人如癡
是故謂之癡床

凡侍御史之例不出累月則遷登南

省故號為南床百日察其行步出入揖讓去就殿中以

下皆稟而隨之先後虧失者有罰其太極以前二臺朝

列之制侍御史與殿中隨仗入分居兩行

東行在侍中黃門侍郎給

事中後起居郎常侍正諫議大夫御史中丞下西行在中書令侍郎舍人後起居舍人常侍諫議大夫御史中丞大丞大
夫下承詔者各五日有旨召御史不呼名則承詔者出

承詔御史舊在西開元初仍制在東

侍御史或闕則假殿中承之

自至德以來諸

道使府參佐多以省郎及御史為之謂之外臺則皆檢校東行及內供奉或兼或攝諸使官亦然

殿中侍御史

殿中侍御史魏蘭臺遣二御史居殿中察非法即殿中

侍御史之始也晉置四人江左多置二人

宋徐爰自殿中侍御史轉

南臺侍御史

梁有四人掌殿內禁衛內事後魏北齊皆有之

隋初改曰殿內侍御史置十二人至煬帝首大唐置六

員初有二員貞觀二十二年

增二員開元中加二員

內供奉三員初掌駕出於

鹵簿內糾察非違餘同侍御史唯不判事咸亨以前遷轉及職事與侍御史相亞白開元初以來權歸侍御史

而遷轉猶同兼知庫藏出納及宮門內事知左右巡分

京畿諸州諸衛兵禁隸馬彈舉違失號為副端

開元二年三月

殿中侍御史郭震劾刑部尚書趙彥昭太子賓客韋嗣立青州刺史韋安石曰彥昭以女巫趙五娘左道亂常託為諸姑潛相引援既因提挈遂踐台階或驅車造門着婦人之服或携妻就謁申猶子之情同惡相濟一至於此又張易之兄弟勢傾朝野嗣立比濟結為舅甥神龍之初理合誅死天網疎漏腰領誤全與安石託附阿韋編諸屬籍中宗晏駕則相王輔政制定阿韋臨朝之策此時朝野恟懼人神怒憤臣忝司清憲敢不糾彈彥昭等並請准法處閤門之外百僚班序有離立失列言分於是並貶其官

翼而不肅者則糾罰之其正冬大會則戴元豸乘馬加

飾

大夫中丞加金勒珂珮

具服上殿供奉左右或缺則吏部以他

官攝之其郊祀巡幸大備鹵簿出入由旌門者監其隊伍初武太后時有殿中裏行及員外殿中御史官或有起家為之而即真者神龍以來無監察則有裏行

監察侍御史

監察御史初秦以御史監理諸郡謂之監察御史漢初罷其名至晉太元中始置檢校御史以吳混之為之掌行馬

外事

晉志云古司隸知行馬外事晉過江罷司隸官故置檢校御史專掌行馬外事

亦蘭臺之

職及有禁改御史宋齊以來無聞後魏太和末亦置此官宿直

外臺不得入宿內省北齊檢校御史十二人後周司憲

旅下士八人蓋亦其職隋開皇二年改檢校御史為監

察御史凡十二人煬帝增置十六員掌出使檢校大唐

監察御史十員初有四員貞觀二十二年加二員顯慶中加二員開元中加二員裏行

五員掌內外糾察并監祭祀及監諸軍出使等監察御

史職知朝堂正門無籍非因奏事不得入至殿庭在西

鳳闕南侍殿中侍御史以上從觀象門出若從天降至

開元七年三月勅並令隨仗入閣

隋末亦遣御史監軍
垂拱三年十一月鳳

閣侍郎韋方質奏言舊制有御史監軍今未差遣恐虧失節度武太后曰將出師君授之以斧鉞閭外之事皆使裁之始聞比來御史監軍乃有控制軍中大小之事皆須承稟非所以委專征也以卑制尊理使不可不許罪人當答於朝者亦監之分為左右巡糾察違失

高宗時御

史韋仁約奏劾中書令褚遂良抑買宅地遂良貶為同州刺史萬歲通天元年五月監察御史紀履忠劾奏御史中丞來俊臣犯狀有五一專擅國權二謀害忠善三贓賄貪濁四失禮義教五淫昏狠戾論咨五罪合至萬誅請下獄理罪長安四年三月監察御史蕭志忠彈鳳閣侍郎同鳳閣鸞臺三品蘇味道贓污貶官御史大夫李承嘉常召諸御史責之曰近日彈事不咨大夫禮乎衆不敢對志忠進曰故事臺中無長官御史人君耳目

比肩事主得各自彈事不相關白若先白大夫而許
彈事如彈大夫不知白誰也承嘉默然憚其剛方 以

承天朱雀街為界每月一代將晦即巡刑部大理東西
徒坊金吾及縣獄若蒐狩則監圍察斷絕失禽者量宜

劾奏

景龍三年監察御史崔琬彈奏宰相宗楚客紀處
納等驕恣跋扈請收劾之舊制大臣有被御史彈

者皆俯倭趨出待罪朝堂今楚客等瞋目作色稱以忠
鯁被誣中宗令琬與楚客約為兄弟時人竊號為和事
天子開元初革以殿中掌左右巡監察或權掌之非本任

也職務繁雜百司畏懼其選拜多自京畿縣尉

京畿即
赤縣也

又有監察御史裏行者太宗置自馬周始焉

始馬周以
布衣有詔

令於監察御史裏行遂以為名後高宗時王立本自忻州定襄縣尉為之凡裏行皆受俸於本官多復本官者自王大賓後罷本官俸方有即真者

武太后時復員外監察試監察或有

起家為之而即真者又有臺使八人俸亦於本官請餘

同監察

時人呼為六相

吏部式其試監察神龍以來無復員外

及試但有裏行凡諸內供奉及裏行其員數各居正官

之半唯俸祿有差職事與正同

開元五年監察御史杜暹往碯西覆屯倉郭歲

瑾與史獻等不叶更相執奏詔暹按其事實史獻以金遺暹固辭左右曰公遠使絕域不可失番人情暹不得已受埋於幕下既去出境乃移牒令收取之